

秋澗先生大全文集

四

化圖書館

harhua library

開化圖書館

Kaishwa Library

開化圖書館

Kaichua library

開化圖書館

Kaichua library

秋澗先生大全文集卷第十一

七言古詩

題耆英圖奉呈子初中丞

張生好奇兼尚友古畫古書長在手欣然示我洛英
圖便覺奎光生戶牖衣冠磊落十三人閑著一評談
治否堂堂文富兩具瞻天下倚安貞大叟平頭七十
是尋常獨有端明末期壽方辭晚進不敢班列宿光
中已瞻斗北門坊慮望佳招王拱辰千里馳書恨官
守升平盛事那得再夢寐席間把卮酒吾儕起敬當
如何再拜乞靈三叩首君不見西周文物稱全盛除
却邑姜纔得九神崧間氣萃此多周鳳魯麟紛在藪
鄭鄞繪事固入神自是德星傳不朽我思仁祖慶曆

中慶曆政有三代風斯民皞皞樂其樂六合一氣開
時雍扶持位育摠是諸賢功熙寧天子錯料事以忠
爲邪邪作忠放教公等在散地擢置安石司群工惠
卿繼用二惇起當時何止驚三空嗚呼以人爲鑑古
所取安得獻此輿論治道之汚隆願君深藏勿輕出
世代雖遠多青蟲

紫芝歌

繼胡紫山集瑞堂詩韻已丑秋八月有
紫芝產陶戶朱良舍下九五六本此最
異者

陶坑削崖蝸作室和氣所鍾無不集非綠石潤木之
精平地抽英昭茂德蓬牕一夕爛生光紫蓋彤枝照

鄉國氤氳五彩畫不如駢秀連莖莖於漆考祥吻合
農帝經表瑞無慚邠州筆老翁百歲見未會醉將蒼
髯嚙如戟郡人爭欲飲至和奔走來觀恐無及出門
秋望稼連雲汝芝汝芝安所吉

圯上行

邳州道中作十一月初
四午刻書於宿遷馬驛

楚兵東來殺為嬉烈火西捲如颯馳為藪驅爵恐過
慘天賜漢以興王師憶初推秦天下震盛氣不折將
徒為泥中進履屈亦至不爾安制重瞳兒往年親祀
濟北石此日還賦圯橋詩神龍變化不復見仿像鬼
物來陰機素書三卷不必怪要本老氏持其雌持守其雌也

題長江萬里圖後

釋年屋居三十春老境誰遣東南奔去秋有

詔使持節北自邳衛官甌閩閩中水淺百味澹但覺

草木多精神展放江山萬里圖卷中蒲酒似堪娛寄

聲故國游觀客卜築蘇門儘可居

畫乃劉合秀家藏所恨歸峽不出一手耳

問吳臺辭

吳王宮殿尋無跡只見山蒼湖水碧步上高臺散客
愁十月江南看春色晚風吹雨濕闌干簷花泣露宮
娃泣欲接愁煙問故臺愁煙無語空蕭瑟是邪非邪
不必辨且爲興亡求亂隙夜半娃官作戰場總罪君
王以色荒春秋責備大法在不道延陵退耕吳已亡
聖賢處變責達節審勢不得同曹減當年秦伯終三
讓明見丕承有聖昌

南臺懷古

封君妙遙裔重光麗無諸憶提越甲佐天討翦羸摧
項開雄圖保邦事大需厖澤至今國俗猶薰濡石樽
劔沼兩寂寞山川良是先王都越人感德知所尊肅
鼓猶陳漢薦毅潮去潮來朝又暮花謝花開秋復春
千年事往遺烈在草木凜凜來威神廟中筠篔簹萬有
卜陳說禍福稱靈珍我因拜禱問來事繇辭灑灑何
其真殊方遠宦乃氣數品秩雖到多遭迤正須耐辱
安所遇不久按出東南閩生平行已半流坎雖老而
壽猶朝紳鞠躬默謝神貺厚得遂歸隱餘何云我來
正值群祀日伎樂朝獻爭趁奔越巫紛拜靈欲駕冷
風滿旆翻疑雲回首南臺祠下路蕭蕭寒雨濕蒼麟

今廟基即漢高帝封綈臺也

游九仙閣

三郎百戰開閩國
 鱗搶基圖專詐力
 二嬖恩光象服尊
 九龍帳設香雲濕
 朝參寶皇宮暮禮妖師席
 國事一從神所贊
 九仙結搆豈此時
 萬瓦鱗鱗跨空碧
 閣中景氣四時新
 往事如雲散無跡
 我來登陟縱遐觀
 一榻清風抵萬錢
 暫與塵襟豁煩滯
 橫欄直下看三

山

雜言寄中隱信宣慰時在泉州近辱書過
 蒙遠問恹惚間不時奉荅獲罪多矣人行
 謹以雜言為報奉別後一粲

寒予元年東魯客
 初識君侯髮如漆
 平生高氣樂新

知一笑論交真莫逆涼風八月中
秋節月滿金樽惜輕別邂逅溪堂
又五年情好比前尤款洽高堂轟飲
幾連明四座歡呼倒冠憤當時樽
前鬪年少豪邁不知家立壁興來
為我掃雲煙思入天機妙無迹我
識君侯此餘事落筆縱橫見竒策
自是睽違三十秋只今同客嶺南
州天涯牢落儘愁絕况復兩翁俱
白頭書來慰我見安好細字滿紙
紛銀鈎故園風物信如舊柳子初
豈為山囚春雲夢濕蘭若翠壯觀
雄翻海岳樓近從潭府閱家數筆
力已復追營丘煩君吮墨留餘溢
重為靈均作遠遊

云近從潭府閱家數

中隱乃雲南道號近於魏參政處看雲南山水畫故

李夫人畫蘭歌為郎中孫榮甫賦

清闕堂深不知暑
瑤草佳期夢玄圃
孫郎笑折紫蘭來
素影盈盈映脩渚
李夫人澹丰容天然與蘭相始
終刻藤一筆作九畹落墨不減江南工
芳姿元與凡卉異
擘擘况是相纍藜
離騷不復作遺恨千古沉幽宮
君看此花有深意似寫靈均幽思悲回風
君家大雅堂文采東野翁併入懔澹經營中
秋風拂簾秋日長
芳霏霏兮汎崇光
澹粧相對有餘韻
畫欄桂子空秋香
淡軒託物明孤潔
五十年來抱霜節
固知色相皆空寂
妙得於心聊自適
仿佛湘娥倚暮花
黃陵廟前江水碧
生平佩服真賞音
外聞紫庭非素心
喚起謫仙搖醉筆
爲翻新曲瀉瑤琴
曲一作操

古夫人名至規
號澹軒
亡宋狀元黃朴之女
長適

尚書李珣子早寡今年七十有二善畫蘭撫琴近
為郎中孫榮父作九畹圖若與蘭為知聞也且自
叙其後云予家雙井公以蘭北君子父東野翁甚
愛之予亦愛之每女紅之暇嘗寫其真聊以備閨
房之玩初非以此而求聞於人也郎中以蘭省之
老一日來徵予筆遂誦點污亦何忍但覺難為辭
之詩以應之孫求歌詩於予因樂為賦此者正取
其節而不以其藝故也秋七月初吉秋碣老人題

雜言庚寅七月二日病告中作

我今行年六十五得至縱心能幾許憂愁風雨每大
半念至於斯足悲楚縱令得邁七十壽比老於心當
悅豫不然終日疲事役歿而後已真愚魯君不見人

間聲利藏禍機迷着世人曾不知得之志揚失之沮
一死與博爭奔馳又不見朝花纔榮暮雨惡火竈方
熾寒灰隨攀援高貴鄙卑賤得勢未必皆便宜至人
大觀出世表肯爲造物相調戲豁達一篇莊叟論太
山毫末較來齊

福唐中秋對月酌劉端友見贈之什

少年愛月長苦吟賞玩不知清夜深擬揮玉斧手盡
掃丹桂陰高歌起舞弄清影直入月脇穿天心節序
依然人老矣所事感懷無可喜少陵有淡濕金波歎
息無家清夜美當時流落止鄜州况在甌閩數千里
此夕常娥海上來謂三山距海九十里冰輪跼踏驚四開牀頭
有酒不復飲追憶少壯令人哀老人病骨防風露靜

卧空齋深閉戶却從虛幌看清光四壁秋蟲饒夜語

題釣臺井序

至元二十六年己丑歲冬仲九日予自
桐廬舍鞍鼓拙取道嚴瀨既午艤舟祠
下登拜遺像肅如也歷觀古今題記多
論其形迹未有明先生之心者天下有
二道出與處而已先生之起義明君臣
順乎天也浩然長歸氣信名節遂其志
也夫三公坐而論思明是理而表萬方
者也是則佐理之功矧尚何爲因留詩
招隱柱間入客星閣眺羊裘軒降觀釣
臺書院山光叢簇江流有聲若有以回

俗駕而謝逋客也江行有程促之而去
回望雙臺顏厚有扭少中大夫福建閩
海道提刑按察使汲郡王其斂在書

劉郎少年同几席綉裾朱衣稱謹勅六龍一日飛上
天豈爲故人談往昔原陵欲臣意有在大隱何心學
夷隘當時雖落物色中肯以三公易其介先生豈是
煙波徒奕奕星芒動帝車一言稍峻得狂鄙况復好
爵縻其軀君臣大義已明了助順又見懷仁書君房
初不識微意尚欲求益何其迂一竿雖老桐江月儘
着清風厲薄夫

洛中吟有序

近讀邵氏所書洛中雜事撫卷三歎令

人有不能已者嗚呼五代間亂離相繼
其否極矣生逢茲辰一何幸哉故孫樵
有生恨不得爲太平人良有以也因効
康節謝溫公買園詩格綴集所見賦洛
中吟一篇其辭曰

萬方文物洽堯雍若論聲明極洛中地自水南連洛
北治從真廟到神宗摠將六合清明氣散作三川禮
讓風道統有傳程邵在勲名無比富文崇棚車載酒
都人賞名教傳家習俗同花木四時春不老耕桑彌
野歲長豐三千步幃家雖侈十二行窩樂最融春酒
泛香沽翠幙夜花和露買筠籠小車高閣期真侶魏
紫姚黃擅化工愛育摠歸君父聖論思不出廟堂公

荆舒變法無暮月社稷垂亡到一空讀罷適然清興
 遠一簾花影曉光紅一作讀罷窮何窮還復感

竹鹿辭并引

竹鹿出南海不合刺國赤毳雪文狀若

龜背然頂有霞茸歲蕤如珊瑚巨枝

元廿七年秋八月上進過福唐予

之昔梁孝王遊兔園宴忘憂館命

賦苑中諸物文鹿其一也今以

賦攷之正此鹿也因作竹鹿辭

竹鹿亦瑞獸頂有珊瑚茸素素為紋負湘

極騰仙蹤颶風吹墮海洋國駟騎遠獻

玉樹青葱瓏攸伏日與群牲從一則

道通君不見漢武獲異獸非關西南封迢迢茲鹿來
漢道相比隆東南際海國萬數將見珠香犀象等物
相率皆來同

游金山寺

寺名龍游舊名海王庚寅歲十一月二日來游二十八韻

我登金山江似練金山突兀神鰲抃樓閣參差四五
層覆壓崖巔瞰江面壁間不見老坡詩空歷長廊瞻
湧殿江山形勢互為勝直上金鰲窮偉觀裴徊久眺
吞海亭海門兩點煙螺澱舟中望處不爭多大抵蒼
茫煙一片平生歌詠古人詩此日一樽償宿願攬牌
纔過璞墓西水作磴痕風四轉放舡北渡返東行一
縹中流去如箭瓜洲西北墮杳靄照眼鶴崖迫焦巘
獨遊髣髴蘇二興冒嶮比方章子愼夕陽西下煙四

起欲進何之退無畔倒裝漁艇入荒村百計無由登
北岸拖師失色都舡驚暗觸江神豈予譴我為使者
初不然先盡人為論事變力微艦巨酒半酣正坐忽
焉遺此患金山雖竒極淵險沃老登危非所便書生
氣習不一到慊慊此心辜所恋量非謝傳與婁相驚
定老懷彌懍戰艱閔投宿野人廬因賦此詩為永嘆
至元庚寅冬予自福建北歸渡江作此詩未嘗示
人逮大德己亥十年矣衛輝判官井君德常陞倅
鎮江來別因話及焉井索書此詩云歸刻寺壁以
增江山勝槩予謝不敢當然俾讀者為遨遊之戒
云汲郡王某題時年已七十三矣

鬼車行

辛卯歲五山廿二日
鄂州教陽十五日作

誄於

鬼車一身編九頭
黑夜來過聲啾啾
半空瀝血洒人
屋所遭之家無空
休窮光極惡煽威
雲妖孽幾遍江
南州內新黨蔽事
莫發百計捕逐無
緣由

聖皇明見萬里外
一網掩來同治罪
憶初百鬼擁行
車此日行車載孤
鬼琅璫繫頸纏車
軸涕淚淋漓不
時哭死聲宛轉尚
嘔啞晝夜催行不
停轂路人借問
欲何之詔赴行臺
加顯戮揮刀斲食
快衆心奔鯨四
沛無遺育萬里歡
聲動大江百城歌
舞喧華屋我思
善惡人自取禍福
不應深倚伏寸心
少慊獲陰譴天
網天刑敢輕觸爲
誠堯人不足心思
車板例猶擣杓

流民嘆

六月七日有巧者過門聞其說因錄而作此

我家本燕雲未省離鄉國
前年一霜秋稼空望入田

間禾穗黑忍飢猶待下年收一澇高原水三尺人生
重遷乃本心一餒催人忘南北水採無菱芡山收闕
橡栗雖去生處樂之物得生活扶携遠趨河南豐道
路無資日行乞毳衣穿結杖蒿藜氣力凌兢雙脛赤
我聞堯水與湯旱民免流移少捐瘠不出九年耕長
有三歲食

朝家勸課儘憂勞只爲有名多少實常平嚮爲前省
壞義廩近年無廣積江南最苦過都錢更着營司日
搔屑營司已罷民力蘇大府兼農到徒設採荒發廩
最上策近井乃能療近渴

君門萬里安得知作詩代洒流民血

南樓行送信御史佐鄂岳行院

武昌南樓跨空碧滿目江山猶往昔笑拋霜簡佐行
樞去作南樓幕中客羗予游宦江之南江南軍務多
疏闊摘差押取固多弊甚是養威并練習十羊九牧
苟非人未免因緣出枝節卒然警急幸無事若論罪
功孰褒黜就中貧難取可憫孀婦盲翁死應絕依然
名姓在軍書按籍來徵豈容說唐兵六十即放免七
十一丁令侍側當時貞觀開元間三代仁風畧無別
幸今守戰有專職整暇虞姦正今日兵惟禁暴本衛
民不致侵漁乃良策蠻陬溪洞旣荒遠顛拚其間不
無孽畬軍新附用得宜以彼爲攻易摧折前年盜起
江西東千萬爲群恣衝突只緣浪戰之總戎空使民
殘兵耗力請君詳此能一行四院規模自吾出此時

乘月庾南樓談笑胡床能事畢

五色鸚鵡歌

滄溟浴日麗火荒飛走衣被照回光隴禽鍾秀更奇
絕翟翬絢煥紛天章越裳野雉太縞素上與朱鳥參
翱翔環王得之不敢受為是珍物歸

天王山川迢遞來林邑護送慇懃飼紅粒海樹雖殘
舊宿枝

君門萬里承恩入香鎖金籠暖御煙盡日充

君眼中物一鈎紅嘴儘多知兩葉翠衿真聚鷓六宮
共說鸚哥嬌天仗倚呼供內職且莫低回訴苦寒
卿雲長捧蓬萊日

福星行

辛卯歲自正月迄五月不雨是月
北一日河南雨三尺故作是詩以

維焉六月五日
雨大作

河南雨足餘三尺河北嗷嗷千里赤河南穀麥賤於
土河北齊民有飢色瘞氣空吹五日涼火雲不曠三
農泣天有貴神名太一前歲人傳豫州域連年大稔
風雨時全是福星照臨力幸今六合入提封
聖上同仁視如一又聞天下猶一身氣脉周流體能
適福星福星宜憫斯少分餘溢霑河北

白鹿嵬歌贈雷苦齋

太行西來萬馬奔嶺嶂橫截摩青雲山陽西北望鹿
嵬突兀絕似東山墩孤撐直上幾千丈雲煙覆露垂
天根憶初夸娥擔負分太華萬古雄跨諸峰尊有懷
孫公和自是物表人半嶺騰鳳吹萬壑飄游氛纏身

雖有一丈髮以火保耀先吾薪嘗嗟中散寡於識三
載堅扣如無聞當年清肅杳何許此日乃有由東隣
苦齋老清而傲才豐識遠兼多文人見長松偃蹇卧
雲壑豈知浩浩之氣藏彌綸有首不頂丞相帽有足
不踏公卿門詩來三復有餘馥如茹秋菊細蘭蓀平
生尚友抱苦節逸興特愛淵明真不居城府儘高尚
况欲卷迹同其倫白鹿嵬高輪困望之可仰不可親
徜徉終歲竹林下回視七子徒紛紛回視七子徒紛
紛東坡云孔子不取微生高孟子不取於陵仲子惡
則隱不以去之為高飢則扣門而乞食
飽則鷄黍以迎客古今賢之貴其真也

瓊華露酒歌

時壬辰六月廿八日謝之

酒之為齊釀法先翹生玉粒聽其然百方百醞品各

異要以色味清爲賢并君出職光祿寺容止藟藉涵
清妍朝來相過憐裴翁開樽小酌何從容銀罌細瀉
疑匪酒玉色照眼清如空停杯題品賞超絕瓊枝湛
露吹天風一酌氣馥烈再酌心冲馳憶初蜀使分餘
瀝老頰不到湖春紅爲君三燕儘鯨吸便覺輔安五
臟夷三蟲吾聞此術煮耐法連罌氣化開鴻蒙多君
屢製轉精粹儀狄拊掌驚神工摘中游戲商山樂玉
莛策勲俱妄作浩歌爲約飲中仙世間元有揚州鶴

有孤篇

黃蒿古城人絕迹有孤綏綏出復沒近郊夷曠兀兀
靜獵食無求蟄無窟依憑城社歲月深群犬噤聲畏
不逐或曾爲孽化而人漢有曹瞞楚吳卹蒼形雪面

安書尾氣出陰邪餘詭譎振毛出火嗥黑夜竊食人
家翻盜錡鬼行胃臆神不容彼為一飢還尔耳况今
白晝雜人居厥兆有占羣小侈郡侯執德儘勝妖要
絕其根心乃已老姦急捕驚脫兔遺育燻夷滌腥穢
彼孤微物徒妖訛朝來一掩虞人羅叔教殺蛇韓逐
鱈公等去孤誠可歌張網埋輪非不問事有難易先
重科人面獸心當若何

罩魚歌

夏五月六日作於涇
東軒二李
生用南梁劉之亨夢二李生事

稻秧針如溪可揭春水桃花魚失勢野人乘捕趁農
閑風暖溪深張水戲輕舸前漾撒巨網後擁罩竿遮
兩際大魚赤鱗如有神一夕雷風先遠逝終朝罩罩
盡常村柳貫壺携不餘弃行觀窟宅幾一空河伯波

神爲慘悴君不見天生萬物盈兩間物物資人供所
嗜用惟有節取有時食不能勝非小惠山不幽來水
無阻智出犧皇結繩吾上焉神理下物情以類以通
無過舉於戲三代根此心後世胡爲弃如土東軒歸
夢二李生我輩何辜遽如許

風狸行後六月十五日至衛乃作是詩

風狸出挂海厥狀即援狻晝伏如蜎縮夜躍衝樊籠
咄彼乳與溺愈疾收奇功或云識風候飛行半空中
置之危樞顛順勢躡西東越人豈此異遠進

燕山宮不思汝悖疾持此以自攻幡然効順如狸聰
交州况復七縣地枉着螳臂當車衝南風不競汝親
見戈舡下海驅群龍

聖皇神武包九有任土之物皆吾寶養之如春涵如
海聲教所暨開唐封汝不聞蕭梁天監間林邑之范
觀天風審知中天御

明主一旦職貢應來同茲焉罔念徒爾耳嗚呼彼狸

何所庸懷

字記梁天監中林邑主范續觀望天風知
國有明主即奉表內附

賀君玉林兄得重孫

共山老仙號虛白未老而閑見高節琅琅玉骨含
滋散入雲仍衍遺澤林兄今年幾八旬飲啖行步餘
精神阿元游宦已通貴慰眼又見元之孫犀錢玉果
蘭湯温洗教啼泣吾試聞充問之氣當煜煜繞朱阿
堵莫輕動留待它年讀書用

二俊歌

并序

摠管温卿蓄一鶻一犬每出獵不即則
已即則必獲其或一失願以羔見償予
以二者雖自籠養指啖中來非俊無留
賞其何能爾作二俊歌以美之其詞曰
温郎年少温如玉老作獵師知所蓄不勞赤羽膳千
夫眼底韓盧手中鶻太行東麓雲雪崗飛鞚鳴鞘幾
馳逐暮歸不省錦鞍空獵獵霜風靜三窟我觀二俊
固竒毛擊取無虛指縱力數朝解鞍何所從鎖匙弄
筆圍春風螺香不到眉嫵秀鶴翎細抹丹砂紅會當
將鬚賞不凡為君一醉琉璃鐘

題任南麓畫華清宮圖後并序

圖有閑閑公題詩作孽窠真書蓋與畫

世爲三絕此卷初主於僧遜公繼爲媯
川松公所寶興定初松間關兵亂中保
持與歸燕都今爲子英家藏至元廿四
年揚示予披玩者累日嘗欲賦一詩以
發偉觀竟以事未暇今林谿歿盡復在
燕不知且歸何人適閱滄水集見公題
詩偶書此以償宿昔初弗計其不揆也
廿八年冬十一月十四日秋礪老人序

三郎年老誇精健歲歲華清事游宴玉蓮湯殿浴行
雲傾城幾顧環兒情一掬游塵散馬嵬餘波不浣香
囊怨龍巖畫筆寫興亡墨花暈出真妃傳謫仙辭翰
兩超媯以任公世三絕我昔西游不到秦披圖空

夢 山月林谿家藏十襲珍揚生已歿歸何人護持
當有松公神

和東坡聚星堂雪詩韻

天風一夜吹端葉清曉開門驚尺雪
林林萬木凍已僵漠漠長空來不絕
南晦能滋壠麥肥東床任使琴絲折
玄冥用壯見肅殺疫氣迎春盡消滅
少年雪獮狐兔羣夢寐鱗鷹思一掣
凍封窟宅龍挺蟄色晃書帷繒失纈
中庭食飽妨散步行櫬春泥思木屑
一冬三白積餘威不比尋常應時瞥
炎涼一氣不自如苦樂人生有難說
羊羔金帳暖如春布被藜床冷於鐵

鷄蹠劔歌

前年官閩中偶遇牛斗客醉解胯下劔
壯我遠行色

劔名鷄跡來岷峨鐵花綉出雄
雲多似連還斷斷復續蒼精
含景爭橫羅南游萬里非浪
走禪鉞豈爲無魚歌飛空欲
作黃鶴舉劈浪下斬岳江鼉
誰期兩事俱大繆歸來掛壁
如陶梭吾衰物壯終汝悞不
見漢相劔佩紛相磨春雷奮
蟄當如何春雷奮蟄當如何

飛廉館瓦研歌

癸巳六月六日病中作
贈王冲霄

洛邑西遷漢靈泣一炬南宮三月赤飛廉鍛翮化青
鳧老尾淪胥何所得太陰凝魄祕興亡土花千年不
敢蝕劉郎杳杳秋風客神鳥冥飛憶初格豹章爵首
尾蟠蛇建章千門風泐泐磨礪頭角入孤園收劔松
聲聽蕭瑟墨花供筆發幽光長日玉堂生五色張華
博物見初心笑泚玄泓爲渠說昭陵拓城初覩汝十

五年來莫渠別護軍紀漢明有書應劭箋形更精潔
道初在邇求轉遐半世看書眼空顧冲霄持贈有深
意淡僻憐予如任俠一朝入手與神會過戶不知吾
殺折嗚呼三代不復見兩漢規模儘堪說寶藏宜與
瓦礫殊隄備有人來揭篋

昭陵在河南
柘城宋仁宗陵也

清霜怨贈吾省岑君璋

日落偶過吳郎家入門兩欄姚魏花金盤洗粧都幾
日已覺鬢亂釵橫斜韓卿秉燭惜佳麗便恐翠袖倚
竹空春華鶴翎紅糝玉蝶粉墮髻曠美吳宮娃我欲
問花不解語何故忽爾令人嗟東皇醉着初不問青
女潛妬飛銀沙花神歛袂避陰慘駐顏何有仙人砂
京師名圃花不少今歲閑殺遊春車客慄豈獨被花

惱俗事擾擾驚無涯西風巷陌塵障面酒樓寂寂空
簫笳我因未事得閑在虛日飲客煎溪芽天教世務
不掛口遮眼幸有詩書飽時時弄筆散幽滯錢裘志
計東坡又爲花作譜見衰盛自笑思澁頤空呀因聲
寄謝紫山老落落高舉凌青霞

賀雨詩

并序

通惠河自壬辰秋開治至今年夏六月
中穿土未已時方旱暑氣極熾兵民頗
困於役是月二十日有司請少間以紓
民力首相主減役止留軍夫五千庭議
已下而雨作盈尺賦賀雨詩以紀其事
一畝泉深龍匯碧遠引入城通太液不緣蝦口灑郊

塵又匪弘農獻琛璧稻米流脂粟米白歲與飢民豐
粒食靈臺靈沼須民力併敵一勞思永逸今年旱氣
旱火傘赫赫焚如驚赭赤萬人雲鍾揮汗雨薰染踰
時不無疫有司陳請避炎輝役敢辭辛時少息已聞
停議出中堂未午朋陰翳東址都城一雨幾尺餘何
俟巫吁而雩盜浮蜥天人相感本無間金鉉調元不
多術誠心公道即天心元氣洪濛開太極餘糧栖畝
屢滿載御廩天困若京積夕陽澹灩斗門深一片波
光連畫鷁

題中山劉壽翁九十五詩卷

按部過中山憶嘗謁王丈眼明欣見百年人談塵詞
鋒轉清亮故都喬木幾秋風精力有餘無少恙盤盤

定武古戰國耆舊例多神所相于今又得劉家翁人
說殆與王丈同康寧好德九十五篤實外著心和冲
世事不挂口外物不役躬軒冕真倘來眎若雲浮空
于孝以志養家温樂時雍固云賦與厚亦自存養功
常突鷄窠祖雖見九世宗不食又不語壽齊彭篋安
足顯何如此老人雙瞳炯如兩耳聰子孫滿前樂融
融歲時燕喜北潭綠常日睡起東牕紅榼觴宜有鮑
詠背祝噎不用鳩爲筇行聽鄉閭尊二老丹青蘭若
見儀容

送李蕭二君奉使安南

李仲賓假部郎中蕭隆

興人以神章
出身字平則

安南九城海中吐墨誌彈丸良叢尔阨吭控背相篡

絨正倚大邦為表裏畏天事大自前王念彼人臣以
忠止

先帝包荒不遐遺南北肯分同赤子歲時宣諭極忱
誠都護諸番殆三紀豈惟璽書意曲盡錦幣殊

恩薰藥餌至仁臨御海波平銅鼓聲沉邊四教父恭
于前子遵後臣子於焉正其理前年奉表餘翠且
再歲象奴紛異議執迷托故謂來庭彼孰能欺徒自醜
先皇赫怒安遠人邊將請征思一洗秋風少約
茂陵寒已復夷迂空越鄙

嗣皇龍飛擴神武盡雪前愆

昭曠度兩階首舞有虞千正以自新開彼路

皇元一氣包六合榻外他人非所慮豈有父子一家

還異趣使華重照鬱林光積懼懷恩深悔悟二奉使
心何闇逢時吐氣思經綸縱橫正有三寸舌不在犀
翠女庭珎

嗣皇仁聖自天眷又非人力之所能德澤如海涵如
春彼交雖眇宜知聞眼穿一宥盼已久去去莫緩都
亭輪

繼翰屬詩韻昨觀諸君光和所謂眼中有
鐵皆勅敵也復為滲漉以見鄙懷

蹇予一生空濶落心侶虛舟藏夜壑誰教浪走半九
州潦倒不容停兩脚前年尺一遽呼起峻以文階深
自愕投閑置散乃分宜未免老為文字縛青綾被暖
玉堂清鶻雀何為集阿閣太平典籍不緣麟顧我削

書寧不忤滿牀堆積簡編青其奈曲江雖忠林甫惡

礪硯詞并引

予家藏風字歙硯石色斲手二者俱佳
所患褪墨略不得色聞師道吾友有奇
石善勵鈍發銳能一礪治亦太玄之一
助也遂作詩以懇之其辭曰

硯之同功甲與鏃試之敵場維利堅其或不爾安用
焉咄嗟此歙肌理妍和光挫銳今幾年本圖殺墨不
在入殆似兩鏡光相研聞君有石善礪鈍武昌赤壁
銛龍泉碧絲吐銛瀝玄潘濡首亦快張家顛我今白
髯玉堂客結習未了文房緣自憐癡絕渠復爾堆積
澆汗簡何由前傲抑正賴公和賢

秦山圖

時元貞元年秋九月十四日

秦之為山何峻雄西連太白東華峰特隆天府樹巨
屏固蓄精祐開郅封黍離變雅西周東雲烟幻出清
函宮不信詩書巔法制百二山河總兩世後來漢唐
亦盛代文物雖多終霸氣千年事往遺迹在留與來
今鑒成敗君不見烽燧臺羯鼓樓祖龍墓在山東頭
丹青比興雅頌作畫史固是非九流半生薄宦走跋
跋每恨西遊不到秦我今年老百事懶唯有懷古一
念心猶存嘗聞雪滿秦山圖天機貌畫中南真又聞
髯張醉裏頭挿筆灑遍人間雪色壁西溪君范華原
嗚呼二者不復作令人氣短心茫然一朝全秦大物
忽當眼着我如在龍首山之顛卷舒巨軸閱幾年兩

都喬木今蒼烟其歸數開有先昔藏壽國今聽山
二公異世俱稱賢畫兮畫兮得其傳

送曹仲堅赴建寧路教

武夷書院今畫圖建安林館鄒魯如攷亭文公宋世
儒主盟太學持文樞六經要是平治具上際圓蓋蟠
方輿正誠兩字有抵力遑遑仁義真亨衢人倫大統
既攸叙不爾天理私慾同一區先生去世初未遠得
私淑者君其徒昨聞赤牒下建府圓冠喜動歐閩隅
君今見秩八品貴官府言責一事無育材不闕學田
粟挿架剩有官樓書講經會課有餘裕修已繕性深
涵濡今之所教教以此而彼所授授此歟仲堅世系
乃華胄出入鶴蓋垂文魚箕裘幸不失素業儒林振

藻今璠與友于疇似君家樂鸚薦重看入石渠

鴈門公子行

鴈門山高幾百仞風土雄尊號全晉李侯年少出紘
袴裘馬輕肥冠時俊古來豪俠數幽并柳子不徒誇
晉問蹇予三歲東州客塵滿青衫鬢雙白書生無策
伴侯鯖尺蠖泥蟠甘退縮此時同君在幕中

時君居史公幕

下佐理邦經
殊有方焉

袖手旁觀駭超越條籠脫落不受羈意

表出奇人巨測健於義鶻快一擊霜翻掣雲鷲空百
愛君肝膽向人開遇事剖析無留材世人刺梗塞靈
府米事挂眼生嫌猜丈夫所貴氣為主行義不虧誠可
取區區心計簿書間束縛疇非抱官虜春光澹沲東
湖亭素箏濁酒攄離情物藏深霧出奇質未害蹉跎

魯客卿我懷井谷君陰積蓋代聞涂鄉五千戶一語

為生存子孫衍慶宜英偉鬱鬱其能久於此後也速

四川辟公員外郎大展其用後授順慶宣課大使甲

年四十白帝城高玉壘深定秦戈甲紛西鄙民政兵

機兩肅然當時艷艷東西川公不少留我涕漣洗心

棲寂中和篇空餘遺愛歌臯賢一別人間三十秋又

從圖畫挹風流至今劔北羅江道徃徃旌髦見出遊

謂見鄉人王小五于羅江縣道中囑以家事

泉石雙松圖 何直長筆

江煙霏霏江雨濕滿壑秋風蕩虛壁何工雖老筆有

神寫出雙松蔭泉石君看磊落橫澗枝黑入太陰疑

積鐵它時不作澗窟虬定向風巖聞虎裂煩君十襲

四五二

爲深藏隄備六丁來電掣

江南道

江南道翠竹晴沙靜如掃風煙終日畫圖間不覺行人暗中老笑行人自枯槁名利誰能死前了我行貪路發五更馬上吟看亂山曉聽聞猿聞越鳥揔道先生歸去好只緣老病日相仍非爲知機辯之早清時正有一閑高天涯何處無芳草

贈五星鄒宜齋

建安山水何瓌竒宜齋氣稟宜清爽天星飛跳括萬命落筆一剖無藏機蹇予歸舟次甌寧子孺病卧咄可驚爲予刺口論灾咎火頭孛尾相纏嬰推原根植甚安固五日而後知和平疾勿藥言果徵願丐一詩

為發明我今憂國渠試聽近年越寇何縱橫
竭來赤囊日三捷分崩鼠穴逃餘生
此時脅從弗與殊五石併燬真無辜
腰間縱有玉真劍坐視罔救空長吁
煩君拭目維南斗此去妖氣可靜無

湘中後怨至元十八年歲辛巳冬十月按
事順德晨起燈下讀沈下賢文集偶賦此
或云鄭即子春也

洛橋曉月光朦朧彼姝嬌啼橋水東
鄭生早發與之遇挈去勝御甘長終
霧綃煙縠已懍懍九歌招魂皆楚風
一朝謫滿與鄭訣云是蛟婦非凡庸
岳陽樓高花映紅滿筵歌舞蛟人宮
海風吹散歛不見倚雲望入湘江空

摩莎辭

我從濃東來枯陂滿畸人駐馬驚問之云掘摩莎根
摩莎一斛春爲塵聊沃飢火充朝餐兩屈南來至趙
止彼壤可遊茲若焚東西跬步間乾潤殫爾分龍公
執兩機行事太不均野人前致辭荷鋪立偃僂翻淘
此物又將空戀戀無他爲鄉土一飢濱死不足慮大
稅今秋何所取州帖猶來徵事故

街東宅効樂天體嘆暴貴而戒貪得也

街東宅萬瓦新晴煙披拂青鄰鄰滿堂歌吹樂新貴
豈知賀者在室吊在門根株已爲鬼所斧藻棟竟起
高比隣古云暴貴不祥事巢覆未省鷓能存俄聞斷
棺昭隱慝應有籍入無疏親福由積善尚恐失忍用

陰適戕其身作歌為飭附炎子未必貧賤非高人

碧玉凋枕歌壽王承旨

君不見靈壽賜孔光俾之扶衰杖於朝安車起申公
未免遠駕趨旌招我思碧玉凋枕耽養老之意更比
西京饒宛如大士冠馳送下九霄春冰藉紅牙當晝
疑不消寵光照室幾千丈寶華璀璨翻雲蛟人間有
眼未省見况用顯異張吾曹先生今年八十一視聽
不減神超遙先生節操玉比德先生文章匪玉凋以
言以行國所仗明堂大鼎頌時調

聖皇丙夜不安寐作行尚復思群豪漆園蝶栩栩不
到赤烏夢與周公邀薦賢行見及遺逸粧巖七寶先
瓊瑤從此鹿菴春更好怡然高卧養松喬

淮西行送湯侯宣慰廬江郡

淮西風土高且涼桐波悠悠帶陵岡流俗勁決喜戰
鬪自昔尚農今重商今人逮我百餘載况復限隔為
邊荒八州隸轄勢亦重慰宣正爾咨忠良君侯磊落識
已久吐論能與特低昂上承下接不須慮幽遐澤及先
瘼瘡兵令畏法民有食鎮以簡靜無更張丈夫遠役
存事業治公如家功可量行行旆征指淮甸怒臺曉
日翻春陽憶昨傾蓋長安陌一笑軒豁生輝光功名
有在心未已相顧但惜湏眉蒼打門來辭興不淺思
有以贈因吹揚別懷不用作酒惡梅花滿枝休斷腸
會把一麾淮海去與君終歲約徜徉

黃鵠下太液池歌贈張詹丞子有

君不見西京全盛時黃鵠飛下太液池雄聲東來蕩
鳧鷖波濤千頃翻琉璃菊裳蕭蕭金爲衣至今樂府
留歌辭只緣罕見稱祥輝較之世用將何爲張侯家
住太液傍寵眷久沐恩波光金閨時彥推獨步大冠
脩劍明月瑠煙花鶴禁正縈繞翩如彩鳳鳴朝陽張
侯本是濟時傑游刃有餘歸以德津津和氣粹眉宇
皎皎冰壺湛曾臆兩都巡撫歲有常守護無虞嘆先
識臨機益辨固餘事端本澄源更超逸覃覃啓府開
兩坊春桂香濃露華濕鄭莊好客未足多桃李公門
半簪紱况今六合梟鷲分霜風靜野惡木寂太平有
望公等事爲國薦賢時所急顯顯士論問遠期它日
明堂頌柱石昔聞黃鵠下太液今觀池邊威鳳集作

歌自笑贈君侯一片野心猶獻炙

海燕蒲萄鏡歌贈趙克敬

趙郎少年有澹癖挾古搜竒曾不息神京陸海魚龍窟入市驚呼得玄璧何年軒鑑覩天巧百鍊陰精開素質玉臺人去玉燈滅洞映千秋猶一日粉膏銷盡漢宮香背像冥薰臘茶色翩翩海燕喜春晴的皜蒲萄法秋碧寶奩才拚走神光秋月橫江露華濕森然毛骨溢清寒野魅山精墮幽泣藏明入晦古所尚物不將迎汝之德土花綉澁學妖墓桂影團團恣吞蝕照人似惡太分明俯仰取容非我職蹇予行年五十七落魄功名尚南北青衫拂拭照衰朽增進一階真可借鑑裁不到魏文貞金鏡輸誠志當畢趙郎從傍

抵掌笑識拔群材
有時特悽然歛衽問鏡神
我髮何由黑如漆

和張鵬飛詩韻

魯公平生書百碑
衆筆腐朽驚馬神
竒長沙大笑稱老賊
當時未必爲真知
大師忠義我膽身
大寓意於書忘
吊賀君不見路逢碧落三日期
觀一字未厭書萬過

秋澗先生大全文集卷第十一



關化圖考 鐘
 ka hua tu kao zhong

秋澗先生大全文集卷第十二

五言律詩

壽史開府

開府群公表山河間氣鍾飛翻同儷景婉變獨從
龍慶會千年運中原百戰功一門傳畫戟

列聖錫彤弓霖雨思賢父中朝注望隆

詔居華表地德邁古人風學並征南癖心有尚父忠
翦鱷清碧海煉石補蒼穹脫略三朝儁從容萬石恭
都俞明治體風俗變時雍薦達多名士經綸極至公
功成心轉小量廓孰非容柱石嘉謨壯朝廷睿眷崇
何心貪寵數圖報罄丹衷降典維公共群疑可適從
欽承能致恤度作貴惟中漢紀三章約秋荼一掃空

與時弼五教致

主冠三宗壽席息光暖梅稍蠟蒂融翠梧鷓鳳秀燕
寢霧香濃毫彩知神相頰醅匪酒紅武公強不息羅
結慙而聰袖手調伊鼎刊名溢景鐘耆英追洛會遐
壽等喬松賤子何多幸凡金以在鎔寸誠芹擬獻五
福日來藁德潤餘燕桂簪纓滿漢宮一杯千歲酒遐
邇此心同

壽徒單顯軒

間氣無時歇先生嶽降申慶流椒室裔袖有鴨江春
漢苑稱多士青雲早致身縱橫蘇氏學英特賈生倫
盛德應如此文章固有神玉堂看步武滄海忽揚塵
飄泊心逾壯歸來道日新因懷盤谷隱怡悅太行雲

歛命竹林駕來陪楚醴賓詞源窮造化講席見經綸
小子嗟何述先生樂育諄顧非清廟器時辱郢人斤
既佩雕鐫厚長懷頌禱勤微誠方獻炙誕節遇茲辰
酌以義泉水清冷勝飲醇贈以湘纍菊馨香如友人
水澄性不撓菊老氣彌振道體同康謚窮途任屈伸
年年華表底同拜白頭親

送外弟韓茂卿北上

外弟韓從愿奉檄轉補尚書部掾自梁
過衛留三日而去臨行求言爲訓因書
是詩以贈

華省開新制尚書古六曹日官嚴程有限吏職取爲勞
受簡聯鳧行隨時覆契刀論量天下事承接眼中豪

吾弟方強仕頭顱未二毛荷囊初佩服公務久薰陶
未害居煩劇休辭任動慙一勤無不辦多慢豈難操
所事先懷慎當官責可逃古人淹典制多暇戒遊遨
簿領雖山積身心樂戰塵苦辛天不負聲實日能高
况汝韓宗盛從來衆士髦華纓影綉弁象簡映青袍
光祿何稠疊司空見贈褒非儒即政務致力釣溟鰲
繼述無多事公清善吏豪老夫雖潦倒聽汝鶴鳴臯

春夜宴史右相宅

勲闕汾陽業金貂漢相家陽春元有脚玉度瑩無瑕
神駿推宛馬跳梁笑井蛙相逢成夜集暢飲壓流霞
綺席圍聲妓銀箏合鳳琶晚粧添粉黛雜舞見渝巴
暖融螺甲盤香供露芽秀敲雨杖促節摻漁撾

侑食增陽盛紓懷發興賒舊聲今漸遠新體此無加
樓轉三更月燈垂半夜花歌長縈曲調獅猛奮須牙
辭謝寧容退留連暫樂佳直須窮薄伎尤異是雄躋
登踏寒林判軒呈迓古一侍筵更紀僕歸燭黯籠紗
下客陪簪玉清吟擁鼻瓜嗣侯非自樂先業念無涯
待士無踈密籌邊靜課譁有時陳樂籍張宴爲賓嘉
此夕真儀鳳明朝等散鴉寵光需

北闕

時有進拜隆與省平章之耗祀故云二月七日春

禴動南衙豈特調銀字重看拜白麻轉頭雖契闊後
話足雄誇碧草傷淹賦清江吊屈沙別懷增惓惓獨
鴈謾啞啞霄漢嗟垂翼庭階愧倚葭情悠天共遠心
在地無遐會作登樓客聊停泛斗槎朱門三十載未

分鬢空華

送表弟韓雲卿赴臺

才幹稱吾弟名行邁友生煙霄湏致力蘭署久留情
練事言無訥臨機敵莫勅趨

朝元有日去魯不無名榮映荷囊紫聲嚴栢府清外
司歆簡潔內憲惜紛更輕重量時制銓除慮旦評責
人無自恕乘勢可將迎恩擢非余出覲情怨自平斯
言當首議大體先居貞行已雖多轍開心罄赤誠諒
能持衆美不必論前程自笑行藏拙潛看歲月驚清
時悲杜舍白壁愧虞卿遊宦幾三紀殘棋任一枰鐘
鳴宜少息時揆尚何營塵委漸芻狗歌長振孺纓十
年希豸觸一旦謾葵傾道在吾何慊憂深汝備明見

渠由爾達着眼在茲行聰作章徒紊行艱累匪輕南
山與秋色依舊兩崢嶸爲將設察判仍舊貫可也

謁武惠魯公林墓 四十韻

金馭成陰朽山東自古疆限田標鎮戍積憤致搶攘
武惠當年傑天心霸業匡雲龍時際會風虎日翱翔
五十連城重三千戰士良一朝歸版籍遺愛在耕桑
甫定先文治來威戒代張儉恭希大帛號令肅秋霜
氣革耨鋤擾風還禮義鄉頌方歌魯盛人駭隕星鏜
雲出青崖頂烏瞻泰岱傍驅車經鵲里故宅似汾陽
山倚祁連塚祠荒綠野堂門旌虛將幄燕寢尚清香
有客追疇昔懷人動慨慷王師初破汴河朔久淪網
文物隨雲散招徠不一亡盡收周禮樂重闢漢科場

清秩銓華省群英萃郡庠有金皆冶器無玉不追章
蓄德需

明主流波及四方星躔從落落奎彩獨煌煌嗣相圖
光紹先猷在益彰雪山宜久重世業寢丕昌

帝道開中統皇風煽八荒重推黃閣相輕是尚書郎
兩署分荷橐千官列鴈行至今稱濟濟所在見蹒跚
原治無多術推賢用回量措材真得所收効儘非常
侯國能如此

朝家化更皇闡明雖實理勉勵之明揚一代徐通議
中流號巨防試圖接手助潛有跋胡妨薄宦新過魯
諸生懼面牆泮田饒樂育師授柰無望可惜絃歌地
虛成筭在梁力扶維切切事迫去遑遑量分功名薄

傷時涕泗滂野煙知客恨先自栢城蒼

靈巖寺二十六韻

中立論名刹茲山第一巖地靈連海岱境勝隔仙凡
紺殿通虛閣丹崖間翠嵐天低神寶嶺佛出證明龕
鷄警陰魔暴僧馴怒虎耽定師興寺始党刻不辭慙
石狀毅公恠眉厖老衲毳鍾聲盤絕壑幡影走枯柵
法護雙欂樹經嚴七寶函巢棲松鶴楮茗淪露泉甘
花雨濛沙界巖圍抱碧潭布金仍趙魏仰食不耕蠶
富覽山無盡幽尋力不堪微官嗟縛律小隱欲投簪
吟就籃輿往禪思玉版參靜緣天或假世味苦相諳
城市蛙居坎功名蟻戰酣有來求福利誰復減嗔貪
風化吾儒在慈恩釋氏覃教宗緣世主風靡過周南

以此山林勝皆為佛老探茲遊聊適意他日儘橫談
翠琰詩如此清吟口詎緘顧瞻因咄咄前後至三三
山主留昏宿官程畏衆晷夕陽人影澹猶惜動歸驂

壽郡侯

瀚海流餘慶金天秉氣昌風姿先相肖節槩更鷹揚
衛郡民何幸君侯德取良幾年承此治一日意曾遑
仕臚學彌勵身脩志自強物情諳漸熟卮酒不聞香
順事蠲苛矯持難懾暴狂親賢咨政體捐俸起公堂
舉意從人便何心恃已長行春忘逸獵發語見周防
門靜無私謁絃調戒急張早衙長待旦退食到斜陽
奉上惟知謹當機每克莊清廉安本分孝悌出天常
聽訟從輸臆安群膺牧羊行方端比矢處當斷如鋼

誕席闌微獻歌詩代頌章自憐鮐背叟長對德星光
却恐流雲駿終峨豕角霜所期松柏壽喬嶽共蒼蒼

贈周曲山

官滿周南樂城居漢德翁酒杯隨老減詩句自窮工
甕料黃菴剩瓶儲白粲空盡義錢幾塊人事日相攻
昨暮招添壽今辰云吊凶新除雖有望舊債積來重
咄咄時書恠悠悠任轉蓬伸眉無寸樂接物儘多容
憔悴鱗遺野昂藏鶴在籠固知吾道在未免此心冲
夕講詩書共朝遊杖履全暗消秋澗鄙卓有苦齋風
一覺平明睡三竿曉日紅計資微翅價分口訓村童
縣邑多遺愛文章不濟窮曲肱而飲水樂亦在其中

夢入閩清府

已丑秋九月二日五夜夢閩府來迓品
節儀物之盛有不可殫紀者既覺即其

意賦此

夢入閩清府郊迎壑海圻初從亭傳發迓自憲司歸
萬目瞻新使中天仰

國威康衢回曲曲香霧霏霏罩傘雲垂蓋行歌錦
作幃申嚴森赤棒緩進佇朱衣鼓吹連天動旌旄映
日微高乘三丈轎前導一雙駢花覆朝袍紫沉薰象
簡馱散班行有叙杜直見來稀覆地相如織蒙山綉
若絺籠官衫赤褐花帽翠旌旒

天遠綸恩重霜清豸角巍繁華驚極盛心事豈輕肥
白璧防汚玷黃金惜帶圍六條申漢制八郡歛炎輝

庶政惟蠲，流風可漸。微氣和樓，吐蜃官肅。浦還璣，
後擁才中道。前呵近憲扉。一聲鷄唱白，推枕蝶分飛。
塵世真如夢，蓬壘未覺非。日高詩已就，清思尚依依。

送李郎中德昌北還情見乎辭

一自新河別，經今已十年。為尋江表傳，重會嶺南天。
鴻鷁乘風健，驂駟得路先。鷄香芬省署，襟誼動星躔。
灑落生平契，留連組送筵。自嗟衰病客，愁卧瘴江煙。
歲月隣期老，鄉關近五千。依依枝遶鵲，跼跼水飛鳶。
外望何其切，中堅未易鑄。崇高疇弗戀，筋力若為前。
落日鄉音杳，秋空望眼穿。委心歌已矣，適意俟終焉。
行止雖存數，周旋正賴賢。省臺公道在，萬一故人憐。

謁光武廟

奉詔趨龍朔驅車過鄠南壇傾餘里陌廟古老松杉
建武重明後中原百戰酣同翻思儷景懷古暫停驂
像儼雲臺盡炎開漢燼燁道深柔作理亂自武能戡
於穆

吾皇聖英明世祖參有賢勞夢想無物不春涵賤子
嗟前進殘年謾一堪材疏徒意廣學古不時諳杖策
非高密扶真愧耿弁乞靈期昏昏登對協時談景已
桑榆晚思非兩露貪所思吾道重少負此生慙補報
功微效歸休老亦甘冷飈知客意吹駿御鑪醢

和幹臣食粽有感詩韻

辛卯端午

傑句欣三復辭情浹且黏君吟元在北我詠實維南
綜品雖云衆名芳不自嫌懷沙悲楚屈設祭八湘潭

一昨聞辰告周防致思嚴畏纏需彩縷竊食遠腥鮪
節屆朱明近家同玉版叅釘盤犀偃角帶籜筴遺尖
製變菰筒質香浮九子纈長腰烹得所木密助餘甜
老復防留膩多餐不過三縛從堂上解爽覺箸頭添
應候然微物因騷有細談貞賢餐愈潔讒佞對宜慚
我本舖糟客何心論滯淹

番禺杖

異種來番國知名自老坡杖才任操倚節自喜摩挲
尺度天然足柑黃氣色和奇姿含海霧孤植映江沱
物眇離鄉貴材稀審實訛聲音鏗爪甲鱗介訝鮫鱷
鞭馭真雷策批亢格魯戈重輕欣得所長短稱閑拖
扶老携行便持危得力多金蛇僵自勁鮫背痒忘苛

不自浮槎使來從老伏波見歸情鄭重未許老婆娑
入手嗟神物傳看駭玉珂支頤看月出橫膝伴詩哦
選勝尋泉石窮幽入薜蘿有時兒女觸却恐鬼神呵
蓋節空筇竹神鋒黯太阿笑揮堪解虎靜倚可降魔
靈壽輕無賴梅條瘦可接花藤昏玳暈班點慘湘娥
桃竹那能比栲柳未足歌望塵甘却立歛迹摠無過
用舍時當審敲撞責果何更防雷雨夜衝屋學陶梭
秋月篇壽幹臣周宰取杜默爲李文定公
迪詩例

五任稱賢宰平頭數七旬分輝郎宿烟鍾秀曲山春
懷寶須時用騰蛟自蠖伸所期千室富匪爲一家貧
文彩唐儒雅規模漢吏循丹游無節錯佩服藹蘭紉

訟簡緣情得民安為賦均處膏希孔潔孔奮曾為姑

膏終不宣化見恭仁今歲逢初度實逕聽具陳分安

貧愈厲詩健老能神報政長書取閑居任甌塵從容

黃卷樂浩蕩白鷗馴大器成應晚煙霄漸可隣既淹

千里足終遇九方歎况復崇公道明場到逸民新除

行有日舊政說難倫湛露金莖濕清樽雪蟻新朗吟

秋月句來醉白綸巾再拜添眉壽無勞頌大椿願同

蟾窟桂千歲爵輪困

送趙都司秉尋赴遼東省幕

世味無餘雋群居底許爭疾徐誰長者沴拉到諸凡

吾子方強仕襟期取老成喧聞烏亂集歛聽鳳孤鳴

行已謙而讓持心厚且誠相看情款洽有問對詳明

再世儒冠素三年祕閣榮以除遴所選論省諒非輕
營悵稱強翰

天威想躍征海澄鯨已戮地曠物多萌望重官儀肅
民安吏務清濟時紛筆議展用幾書生抱志能茲念
流芳在此行秩卑猶吏屬祿足代躬耕曉日灤江渡
秋風鶴野城蒼茫連渤澥控帶本營平綠水開蓮幕
青山送去程宦遊真衣錦別思任懸旌有道開先世
孤標振直聲遼陽回首處未用愴離情

送忠翁南歸并序

元貞乙未春翰長忠翁年七十七致仕
南歸行有日平章張侯同諸僚案祖道
於遂初亭館予亦忝陪席次明日賦律

詩廿四韻非敢以為詩庶幾表吾

皇元崇儒重道跨越前人相府瞻懷始
終盡禮張大續鹿庵之賦詠歌見楊尹
之榮豈惟

上國之光華永作翰林之故事其詞曰

供帳都門讌非綠歲例過右相城南別墅每時清連

勝日簪盍半壘坡酒羨凌金谷歌酣掩艷娥盛於清

洛襖用裴晉公上巳同柰此別遊何愛客終青顏傷

離賦綠波散花簪席帽泥飲捲鸚螺人世真流梗年

光易擲梭瑣軒涼吹急綺席落花多蕩粉霏裊綉吹

香入袖羅暫留春色住莫戀去程搓峻秩慚同列醺

容慘弗醅新亭收老淚官舸送長河

聖代吾儒重詞林寵數頗諾從丞相允義見相臣番
祖餞賢疎傳衣冠似永和生還梁庾信贖重魯鄒軻
盛事傳千古儒流聳四科丹青前日畫歎息路人歌
有客孤吟悄臨風兩鬢皤圖南鵬運海遶樹鵲依柯
早晚同長往徜徉隱澗阿此懷從落寞起舞且婆娑
道在無南北擗家立賢無方果材非謾琢磨醉歸扶
路晚里巷認鳴珂

賦手植檜酒鍾

千載東家檜榮枯與道俱鐸沉金絕嚮鳳去洛遺圖
元氣蟠根祗斯文見盛汚器圓傷失制梭削嘆非孤
梁棟無隆用杯盤伴飲徒泛香宜盞齊奠獻媿龍觚
沾漑餘周魯淵源挹泗洙雅同吳壽鼎高亞博山鑪

刺口論三代高歌共一壺或延中聖客或約醉經儒
閱古因懷昔相看醉捋鬚蒼煙空左紐偃蓋稟相扶
歸詠絲堂樂摠衣闕里趨回思鐘鼎事一笑付桑榆

哀曹府君詞

維至元乙亥夏四月癸卯前行尚書省
左右司郎中曹君卒於鄉里後九日聞
訃適有令開廩拯隰予特請行將致一
哀旣而不果逮十四夜見君於夢邀予
坐故第前楹汎滌供具促膝晤言話其
平生甚悉夢中相對爲歔歔也覺而賦
此聊伸白馬素車之願二十日辛酉命
州屬吏路材代予往奠俾火其詩於栢

原以告君墓魂而有靈尚克昭鑒嗚呼
哀哉君諱松年字壽之享年七十有五
世為隰州隰川人

聞訃纔三宿衣冠夢兩楹消除開故室拂鬱話平生
息弱哀無託才清老有聲撫懷思攬轡將事過持盈
細札紛遺簡謂二月有書山煙慘樹旌素車空佇望
柩馬想悲鳴懷舊星臨曙傷貧淚滿纓紫川西邁意
端欲為君行

送趙克敬判定武

趙子公侯裔雍容館閣才美除官定武增秩自邢臺
喜溢家人敬春融處士懷沼蓮香莫府衙鼓響廳階
雲靜靈光塔風清雪浪齋敢辭推按劇那憚簿書埋

任責騰聲譽隨時免謗猜不教民事緩肯失上官誚
人樂家餘袴官清甌任埃鼎祥新有說世系舊爲裁
華胄洲流遠慈親壽域開嚮來餘藻飾此去要培栽
惜別輕三載離筵重一杯君看忠獻業超擢此中來
省題詩

紅藥當堦翻

紫殿春光晚芳叢夏景暄綠萱垂地合紅藥當堦翻
粉藥金腰束嬈旗絳艷繡涼颼飄碧砌清影動朱軒
白傳吟何婉玄暉思不煩顧瞻栖鳳地折贈詎容言
朱干玉戚詩并序

至元二十五年戊子秋八月五日夢
先師泌陽府君命賦此題寤寐中得成

韻語者數句既覺因足成之

禮制詳三代軍容備百王錫干朱作飾戚祕玉為章
持總如山立張皇見武揚威伸三令肅近作一身防
商翦歌周雅夷清頌漢昌格苗先此用萬古仰虞皇
以謂帝舜敷文舞千全不備賦舞以韻其格後世以
征伐有天下然後象干戈備樂舞以韻其成功此後
王之德也

何叅政母夫人哀辭

友義當匍匐無從涕泗漣升堂元有約臨窆不容愆
念子初何異嗟予重惘然會須陳漬酒孤酌廣平阡
享福年幾百升堂拜慶三丰容宜象服陰教動周南
子孝終身慕家貧極旨甘併將風樹感彤史後來譚
德邁魚軒貴恩涵鳳沼春遠遺彤管美凄斷素車塵

在毋稱賢範康時產異人故家桃李月何止詠藁藁

仲和張君孝友純至來求詩因賦此以贈

滄江客康寧白髮親宦游非不達純孝與為隣

養志曾參事遺美考叔仁汴都三萬

致樂如君少長歸便毋安物生皆有養色順最為難

夏清簾情暑冬溫枕被寒慈顏何所喻庭柰見來丹

題常仁卿運使西覲紀行

九萬鵬搏翼孤忠駕使輶功名元有數風雪不知遙

抵北踰鰲極維南望斗杓胡生搖健筆且莫詫東遼

出五代史突厥回錄同州邵陽縣令
胡嶠亡歸中國作陷虜記

三策條民便逾年致節旄夢驚羊胛日嶮歷幻人刀

碧盃昆堅異黃金甲第高白頭書卷裏留滯敢辭勞

太平宴二詩

海寓初無外王師信有征
兼旄戰旅漏網得奔鯨
清晝來三捷歡謠沸百城
從今田舍底白首樂昇平
西北烽煙靜東南海浸清
太平元有象

帝見餘禎愾敵無多殺
推恩屢減輕公堂歌舞處
氣正疑平

冬日即事

飢火寒榮笑物情
百年能幾日半世太勞生
白首耽書苦黃金過眼輕
有懷如此癖何往不艱征

壽韓生弘

秉天然厚青衿雅韻多
室鄙揮戈壘吟來細韓墻氣

哭友親完顏仲希墓

宿草西河客隆顱塞外春死留朋義重生與醉鄉隣
天老株林雨魂香蟻穴塵我來還獨酌黃葉鳥聲頻

挽吳衡甫

波蕩江湖士來從隱逸居醉吟忘楚越箋與子到蟲魚
拊髀驚凶訃霑巾靚故書慨然西望斷山色照空廬

壽王子初

近世佳公子詩書看起家處身何不可致養略無加
信厚歌麟趾文章粲劍華一樽添壽酒猶及泛黃花
秋夜月下獨酌時回自燕都

堂虛生夜白院靜散蟲聲月下一杯酒胸中無限清
艱難吾道事冷暖故人情爲報南枝鵲安棲不復驚

治穢

聖戒防微漸常懷蔓莫圖菊荒疏笨篔竹密斬繁蕪
舉目晴山近當軒恠石孤放教今夜月清影滿庭隅

贈茂政副使

一世佳公子氣涵渾水春衣冠逾遠澤翅葉豈謀身
白壁詩名重清燈客舍新不妨死馬足暫屈到河神

清明日南寺對雨

時在東平

寒食無家客禪房喜兩餘坐深僧話永心遠世緣疏
厭捲柳瓢醪來叅貝葉書傍人從不悟有待曳長裾
酒榼尋春晚茶甌破睡餘庭虛花寂寂雲淡雨踈踈
有待存終始無心望簡書何當玉堂客脫此馬

秋夜

卧榻鋪筠簟風簷通晚涼雲枯涵旱氣星爛射寒芒
鐘鼓寒更永乾坤夜色蒼時危関百慮低首拊空床

出門

因酒敗佳意方知百拜輕忘機甘李喻重賦赤霄行
踈拙傷吾性傾危見俗情出門山氣好秋色浪崢嶸
挽真定史二相君

凭鳳攀

龍起貂蟬奕世侯九天資岳牧一夢忽山丘
陵劍驂停魯相朝八州遺愛在滹水日東流

挽武安道

故失邯鄲步憂分陋巷簞持身心已亂得病衆知難
夜月琴絲暗秋風旅殯寒人生罹此極命矣復何嘆

壽雷彥政

南渡衣冠後如君不數人氣涵渾水秀色映塞垣春
靈沼儀周鳳商郊獲魯麟壽杯傾菊露同拜倚門親
去歲龍沙月流光共薊門寒華驚晚節客舍壽明樽
取友襟期在傳家命脉存今年秋色好笑語北堂温

白松

霍岳祠南寺奇松勝所聞孤根生得地衆木迥雖
霜雪封琪樹丹青變錦紋山靈應見惜時與護晴

早發泓芝驛

西邁經猗頓鳴珂夜半過天低平卧斗野迥陡
赤日三庚伏紅塵兩鬢皤老懷多故

禹廟

廟在安邑故城內甲

玉帛中天會謳

崗負黃

雲表白

變極憐烏

周幹臣詩韻和

近得閑中趣都無俗物侵風霜驚老鬢道德負
枕倦書橫膝庭靈樹有陰毅勤周吏隱時遣道清

和秋漲二首

泉峪從共會奔流到衛雒新詩來幕下歸興滿舟

取少陵胡怒捲濤山北雄吞海若東我思泛舟役

為只合例氏泛舟輕惜幾千功謂太宮之木

之役

卷二十一

十六

兩後聞溪漲先聲噴簿來氣嚴千騎駛波急萬窠回
終古朝宗去神功念禹開寄言歸義子款塞莫遲徊
題有趙義士三侯祠

雙塚連遺廟風雲擁義壇難與忠可壯事集死尤難
烈日丹衷皎青山白骨寒一杯來酌祭用激懦夫肝

禱兩孚惠靈祠

夜半清源道來伸禱兩誠壇圜形覆金泉遂碧為泓
霸業開三晉風煙暗九京一杯臨水坐便欲濯塵纓
慶王文子壽八秩之壽

遺愛汾西政耆英故里居期頤八十壽精健五旬餘
捨策春流甜龕燈夜注書更怜温清際蘭玉滿庭除

奉酬

紹開外郎

盡省胡貳外都城憶昔遊分携無半載渴仰若三秋
已辦健科拙寧煩任智憂何當償宿願相望兩山州
星子鎮道中

北下星關道川開百里寬夢殘傾錦帽吟細緩征鞍
土峽深回洞山田豐醮壇一杯亭傳酒來爲敵霜寒

題栢壁鎮

峽古疑天設營空故壘存捐金行楚間力戰決齊吞
馬足沾霜健山煙漲日昏治安誰有策一笑出關門
夷齊墓

遠避東鄰雲還遮北伐頻與天重立極叩馬死成仁
落日悲歌壯東風紫蕨春一飢雖可療終媿是商臣
舜井

廣孝銘遺井千秋仰有虞側微多在困捐浚失之誣
喬木非三代雲煙接兩都依依風樹感不待露霜濡

河中

歷按河東道蒲津勢最雄河山全晉鄙土俗半秦風
野日連墟壘孤煙認佛宮論功無渾馬極口說先公

登歷山聖人嶺

形勝開三面臨觀醉魄醒松悲虞泣涕石老象頑冥
澗水縈瓜蔓荒山卧虎形野人無所解尊禮九真靈

跋運使張君會琴圖

雪徑尋無路東林素有期琴絲凍欲折風袖曉還披
偉觀疑韓愈幽林付穎師無由陪杖履只悟畫中詩

田間

斜日秋瓜圃雲閑雨過初平疇交晚吹涼意滿輕裾
草木浮元氣河山擁草廬拊心欣有得重展故人書
雲帶山籬薄溪橫舍屋斜卷懷忘仕版作苦事由家
踈散藏吾拙敷榮眷物華晚涼沙岸靜植杖自耘瓜
漠漠西山雨東來意甚徐潤深滋厚壤洒密下平蕪
巢燕歸飛急林鳩得雨呼有金堆積斗能揅曠乾無

遇萬泉縣今廢

縣倚孤山碧崗圍落照紅一丘歸慘淡千室想豐融
絕澗縈樵徑懸崖半土空物繁耕壤狹寧得不唐風

開化圖書館

Kaifu Library

秋澗先生大全文集卷第十三

五言律詩

哀尚書高公詞



維至元十一年甲戌十月壬子故吏禮
部尚書高公以疾薨於位嗚呼哀哉明
年乙亥夏四月丁巳考工使者蔡鉉自
相抵晉始知公靈襯歸葬安陽秋口鄉
臨穴者幾萬人僚屬士友會哭皆失聲
惓辱知最厚嘆斯民之無祿痛知己之
難遇自非歌詞無以寓餘哀而露情臆
也迺作挽詩三篇表於素旂之末尚冀
神靈鑒茲哀悃其詩曰

翰學期公淺謨猷冠一時立

朝稱極諫連茹愧深知斗舌承天眷風神夢羽儀比

揮千字誅悲絕七哀詩

思公情曷已
漳水日東馳

風調翔麟士文章太史辭行身無少玷持論有餘師

落日孤忠壯秋風兩鬢絲幾行知己淡東望重淋漓

問望群公表枝撐大厦材印窠空瑞錦風憲黯蘭臺

反拭驚麟出云亡動國哀千年遼海鶴華表倘歸來

枝撐一作扶持

送成耀卿尹温縣

時河內連歲蝗旱

邑古仍卿采民屎待尹蘇千年留故事一治聽歌襦

鼎鑪調應切山川慘未濡莫辭淹兩考留潤漑焦枯

奉題趙侯禹卿東臯林亭

雅性便林壑紛華厭市城
庭柯交美蔭好鳥變新聲
喜見桑麻長誰知寵辱驚
門前輪鞅滿一醉共秋成
物我同天壤流年遽代更
高臺方畏景喬木已秋聲
默熟盛衰理都忘悔吝情
只須多釀酒時與故人傾
今年秋穫早臺迥暮登時
野徑人歸晚煙林鳥去遲
有來飛蓋客日課讀書兒
適意有如此此外安所期
築臺連野色架木繫匏瓜
舍外開三徑壺中自一家
愛吟歌白紵灑酒脫烏紗
更喜南牕下秋風菊半華
野迥門開早心閑起自慵
林香芻社壘山暝倚吟筇
半醉留佳客深耕愛老農
晚眠誰復覺墻外月明春
趙侯敬愛客每去相見稀
不辭高會數但恐賞心違
白酒夜來熟黃花香正菲
賓僚多暇日無惜過柴扉

重謁樓桑昭烈帝廟

百里燕南道山河繞帝宮荒村仍故里喬木幾秋風
簡冊經綸在丹青戶牖空寥寥千載下無媿孔明公
固安道中時至元六年冬十月巡按四州

十月燕南道提封入按巡清霜嚴比雪枯樹老於人
尚遠經綸妙須勞撫字頻前林烏鵲盛喧集恋餘春

除蝗

時被命捕蝗武清縣秋
雨大作終日方止

千杖呼聲急人懷愾敵看日長旗尾困圍促鼓聲乾
人與蝗交戰天將雨助殘東林茅屋底客枕夜來安
秋日過齊衆僧舍

院靜鐘鳴後僧閑暑退初過門無俗客閱古得名書
衲潤香留几心清月印疏仲殊襟爽在開口見真如

送紫陽歸柳塘

時遊孔林回

千古文章事江河不廢流
苦心公正閨書法繼春秋
夢繞秦山遠天教闕里遊
會將洙泗教行復正西周
牛憇陽城北龍泉寺

倦客鞭催急龍泉一解鞍
在家貧亦好行路古來難
寺古松杉老山空水石寒
萬松亭廢久重拂短碑看

碑大定間澤州刺史楊庭秀撰真奇作也

簡寄龐雲卿

時自滑州判改授濟源令

軹井千年邑提封百里侯
剖繁人有賴治簡事彌優
白鳥翻林表青山滿樹頭
訟堂歸去早摠是釣詩鈞
元日夜燈下即事

五十又加三行藏默自諳
去年留薊北今歲客漳南

官事何容了君恩未報慙白頭青鏡裏衰謝百無堪

詠史開府宅鶴

超遙華表客吹落故侯家孤潔真仙驥飛鳴稱彩霞
困眠依竹石飢啄半蟲沙會待秋風舉巢雲養頂砂

清苑道中

野店春風裏行人避綉衣劍華寒有暈山日慘無暉
孤隼梢雲下群鴉結陣飛鷗鷗無遠泛事外本忘機

又作澄清吾有志
天意肯從違

至元十七年正月十三日巳刻出完州抵

暮入保定夜未分雪大作至翼日午刻方

止偶得此詩預喜歲事之有成也

曲逆連清苑相忘兩舍中朝驅塵沒馬夕捲雪填空

已滌崇隆盡仍歌歲事豐小紅燈影底一笑覺春融
一作誰云吾分薄
所向得定山

荅蠡州天寧寺英老

灑落天寧老携尊復袖詩逢場閑作戲來謂老監司
白頂憐鄉土清吟說阿師一盃供客笑聊用當門提
在教頭腦異
初不問天晏

座中偶得示舜舉舊遊仲賢良醫

半載東州客崎嶇笑自奄事隨時即故老與病相兼
發伏遺姦枿塞惟愧具瞻君恩如許報白髮且休添

龍門寺

寺古僧何在山空石作門碧崖懸瀑影蒼峽掩朝暎
不惜山公履重登謝傳壤一杯須軟脚掃葉煖清尊

辭長樂先壠二首

己丑歲秋九月二十六日將赴任福唐

拜辭長樂先壠歸宿野竹趙氏田舍且

喜聞村之故名因有是作為野竹記

別遠辭先壠歸遲宿近庄客牕疑夜煖野雨變晨涼

游宦嗟吾老窮君仰歲穰故鄉猶足樂誰遣去朱方

展墓過農里街

恩使遠方氣隨天北轉人與鴈南翔肝膽孤忠在江

湖去路長此回當自信不必泥行藏

飲食

飲食資吾老行年六十過三升元有料一口不容多

過爽心隨滯長虛氣便和不須移遠步聖藥有東坡

辭先壠後臨行作

義重煙嵐薄人微使節光
桑榆雖晚景事業見炎方
回轡知非遠趣裝苦未涼
交親留少住馬足健秋霜

望舍弟消息

憶弟居穰縣嗟予宦建陽
三書曾未報一別謾相望
喜信占晨鵲清吟夢夜床
殘年能幾許長與汝參商
後會期初夏遊征動暮秋
萬金書渺渺兩地思悠悠
問竹過門巷看雲倚郡樓
南遊曾有話會上沔陽舟
吾守索家累懷歸畏簡書
人憐英蕩重我覺宦情踈
緩進需安信頻呼斫素魚
後溪溪上月北望想蹒跚

送趙克敬任孟州同知

予為待制時
穆其屬也

趙穆從英妙詩書性所安
編為太史屬今作孟津官

事辦時爲切民恬貴政寬老夫江海去州縣莫辭難

蕭相國廟

在下邑東南五里即縣廟在縣北門外

下粟東南陸鄴城井邑空圖書秦府夢簫鼓漢時宮

喬木秋煙慘頽垣野燒紅數鄉供野祭歲歲不期同

火獵

自歸德以東皆用此法

綠竹連且遠蒼烟蔽野昏兩傍羅草伴一火趁羣奔
挺手遮麋鹿張弓得艾豚縱觀思獵較積柴散燒痕

沐堤道中

細竹沿堤綠秋烟蔽野蒼路荒經柳子山遠指芒碭
勉進心還尼懷歸事巨量縱令空徃返猶得看維揚

十一月

三日宿濞寧夢總帥史子明見

教

用

矯矯常山帥相望間楚齊
夢中親與誨身外別無提
切囑心何朗臨辭手重携
何時揮老淚墓額拜征西
次宿遷望紫山不至

河廣舟航小堤長市屋卑
宿遷元隔楚淮甸舊連邳
濁浪隨清變香粳問客炊
紫山前有約抵事北來遲

淮安州

平野圍淮甸雙城入楚州
喉襟開重地鼓角動邊樓
聞鴈思鄉信歌魚撫劍
縶此行安所遇江海任浮鷗

是夜驛亭無抵待
故有歌魚之句

寶應道中

共說淮南吟今冬氣陡增
雲垂梅野雪風結漕渠冰
事弊尋常密吾襄用不能
據鞍時自笑休苦直如繩

出寶應雪中舟行

避冷乘官舸風蓬去若奔
兩陂雲影黑一片雪花繁
景與詩相會寒無酒可溫
泥橋投宿處寒日暮鴉昏

高郵道中二首

築甬餘三百灣環護漕溝
重橋穿寶應一岸入高郵
水陸開亭轉烽烟靜塞愁
腰纏無十萬官遣上揚州
湖浸通淮水孟城隱楚防
百年勞士卒一擲失金湯
陸走無關禁舟行半海商
此邦多秀彥國士說秦郎

召伯埭

謝傳留遺愛千年尚不忘
埭名同召伯郡號屬維揚
煙火今中土干戈舊戰場
離離平野樹人指是甘棠

一作斷橋穿市過十里藕花香又
一作野人誇曉曉水霜

揚州贈史左丞按都時宣慰維揚

淮海維揚域金湯勢尚存車書歸一混鯨鯨失孤吞
樓鎖行雲夢岡環洗玉盆治安君有策長嘯出東門

衢州

我歷江南郡凋殘不似衢兩坡稱鬧市一炬變荒蕪
反側誰無識瘡痍意未蘇殷勤陳別駕不厭拊循劬
早發三衢驛開關放曉裝江風吹帽側山月照衣蒼
馬渡浮航水雞號野店霜爛柯聞有局無分躡仙梁

州南三十里有天然石梁長約數丈謂之爛柯仙界

玉山道中

石徑行無盡清溪送馬蹄啾啾啼野鳥擦擦喚多泥
松暗增晨黑川斜入望迷比明三十里已過玉山西

常山道中晚行

土蹬盤黃嶺人家住碧峰
焚林人逐獸競渡木爲龍
水獲無過夏山行不識冬
斜陽留絕景不放晚烟烘

信州道中

控帶谿山嶮襟喉福建門
吳音饒馱舌越鼓聳聳邊屯
岸闊浮航小城早夕霽昏
不煩詢土俗煙嶺互相吞

石溪道中

赤嶺鉛山界清溪野店橋
株林烟漠漠沙路雨瀟瀟
馬慣行安嶮禽幽語弄嬌
西山晴更好詩思苦相撩

鵝湖寺已丑冬仲望日雨中過此坐間爲

主僧希聲留題 希福州人

湖頂開鵝沼川形偃法船
寺留金粟影僧結草鞋禪

地勝多珍木山空響夜泉寺僧談遠跡張本永真年
唐順宗年號

閩中

錦綉無諸國曾經漢武荒祝融開火宅颶母擅風囊
淵萃逋逃藪人依虎兇鄉閩中不識雪何有豸冠霜
閩清湯池留題

熙寧十年八月赴福唐元豐元年九月
被召還朝往返皆經此十五日南豐曾
鞏題僕以大元至元廿六年己丑秋按
部來閩與公裔孫冲子同事明年秋以
理去官與先生往還時月略同曠世相
符有似非偶然者摩抄蘇刻留詩而去

重九前四日小子憚序

潦倒嗟吾老，淹留近歲終。
客星回海上，桂棹發閩中。
遠宦無遺累，歸帆得順風。
湯池看蘇刻，往返似南豐。

建寧北苑

宋寧宗

曾開印於此

北苑繁華歇，名猶博望尊。
野花疑壓珥，徑草半蘭蓀。
軒縣歌鐘暗，宮樓峻址存。
我來凝眺久，喬木晚煙昏。

望嶺

谿嶺無千里，崎嶇半月間。
事機須勇退，天意許生還。
順處從多厄，趨時免強顏。
越禽忻我往，長路語關關。

鵝湖道中

細路山園靜，煙蘿野寺濃。
俯躬升峻嶺，仰面看喬松。
道在從時背，才疎助性慵。
有身官不屬，一任老龍鍾。

是日得臺
報故云

題柯山寶嚴寺壁

同遊者山長趙文龍前教授徐夢龍

友教官余性道

二人皆廣信人
徐有文筆甚健

府推官

保定張式儀卿別駕東平陳珪國寶子

公孺侍行至元庚寅冬十月望日秋澗

老人題

龜阜西南麓名山世未雙爛柯仙有局絕觀石為砭
事去空遺史風恬愛此邦來遊情眷眷留詠寄僧牕
喜得陳張友來遊興不孤江山開恠供風月閱清都
閱世驚棋局看題倒酒壺暮歸應捆載只欠畫為圖

首夏家居即事

懶憤從翦鬢披衣任曳裾都忘身外事貪讀意中書
比老心能爾雖貧樂有餘繞園欣細履樹影綠扶疎
竹茂資泉潤花榮藉圃沙鉤簾來舞燕鎖樹護栖鴉
客至留酤酒吟長待煮茶幾時容却掃一向似仙家
方竹杖

節勁嫌園甚形方與衆殊任從炎漢斲不變魯人觚
心曠謙中守姿堅義外扶蜀節非我友整簪簡乃吾徒

枯燈花

步入東瀛丈吟看北檻花春風收翠葉烈日發炎葩
一氣元無間孤根乃爾差鄭箋初不及堯誅只空誇

送杜簽事之任江西

憶在齊州日同聯憲府鑪群居推健羨孤繫更超遙

此去雖殊域規爲柢舊條將身能道護所至儘風標

和幹臣重九日兩中醉歸韻

高會有成約寧爲一兩妨烹鷄酌白酒煮芋臭秋香
落帽同嘉興霑寒等陛郎醉歸從健倒聊復少年狂
今歲登高節佳招兩有妨閉門時隱几掃地靜焚香
安得黃金耐同傾白首郎醉鄉多樂事何祇發詩狂

事一地

舍弟仲略題孫鞅郎名字說後

訓汝諄諄意竒文見迺翁洞堅威可大棲鵠體須中
既應開先兆當知矯揉功遠期遺近効羽夾看摩空
贈欒子英詩子英冠州人時爲農司從事

子英外郎孝廉士也十年前予與共事

於沙麓者凡兩月今歲秋將

命過衛踵門來謁話問因及親喪事予
以伏臘二氣遇之者固異然歿而不壞
及膏髮猶生如藥氏二親者蓋亦罕見
豈廼翁與媪生有所積而歿有以孝心
之所感者然邪乞言顯親書此為贈其

辭曰

孝感元多異樂翁見化形初終神不昧將祔兩猶生
盡謝青蠅吊堪書翠琰銘百年風樹底悽斷蓼莪情

贈岳鍊師仲和

今年八十四健勝去年時豈假還丹力沉潛繕性辭
骨清儀野鶴神爽見毫眉更有虛明處物未多預知

月桂

花名誰品藻歲與月華新不為孤根細能留四季春
色深丹竈術葉映碧苔裊我近雕欄側終朝倚杖頻

賦白鷗

羽族幽閑品霜毛縷黑章聳冠矜耿介蓋用搜止不雜於象禽也
碩影惜飛翔去備虞人貢行觀

上國光刷毛琪樹底無夢海山蒼

京華舊俗歲終廿四日諸神上界夜家人
設祭遣奠致詞且有過惡揚善之囑遂作
小詩庶見風物

五祀開三代人間閱歲華交更同選調遣奠具錫茶
天闕神駟馭燈清喜結花逢新如有問萬一善相誇

和曲山冬夜即事韻二首

清苦周南樂居官素有聲
老天何汝困公道欲誰明
瓶罄憐三白衾寒盼五更
持鬚傳賞識吟苦熬霜莖
雪夜清無寐瓶笙細有聲
茶鐺吟待熟虛室白生明
白髮催人老青陽迫歲更
湛思盤露重何意望脩莖

奉酬舍弟仲略見竒之什

隔闊三年別回還
萬里程細吟
遠遠句深見
友于情
路眇霜風勁
吾衰體履平
家貧渠亦老
一動不爲輕

挽宋耀州漢臣二首

每有遊秦士
慇懃問宋侯
相望無兩紀
一別便千秋
斗酒新豐客
堂封渭水丘
題詩何限恨
老淚不成流
斗酒新豐客
龍門接上游
相望纔兩紀
一夢便千秋

銘德辭無愧親民政最優兩行知已淚撫卷爲君流

辛卯歲十二月望日大雪連明信宿開霽

日色暄妍如春乾坤清淑之氣肅肅可挹

數年來未之見也作小詩以紀

我覺今冬氣全關燮理推一寒嚴徃歲三白見豐年
地掩浮陽靜天開麗景妍不應薪米價愁計盡義錢

五加皮酒

服食閩中士加皮說異常精華含五氣補益最多方
不羨黃金載長澆白玉觴豈惟除濕痺志意日安強

題杜氏六子名後

六子名三老餘芳見故家翰音鳴彩鳳翠茁映蘭芽
出拜濟南日今看漳水涯一謙能事畢題詠復何加

燭花詩李真人索賦

燦燦銀臺燭清光散彩霞誰分壺內景來種火中花
一轉芝岳蓋孤芳蕙茁芽殘年如喜合世事任無涯

火觀

兩手寒來瘰摩挲滯賴汝温形骸雖土物氣勢炙權門
燕王休誇暖湯婆可比尊心兵全不起留在谷神存

題甘河遇仙詩卷

惚恍甘河遇生龜脫殼時二仙形姓字一酌悟天昇
入道茲玄微尋源接上池崑山文竅雅略不見諛辭

和仲常牡丹詩并序

三月廿三日飲中作

仲常良友氣温而德雅余愛之重之未
有擬諸形容爰因賦詠遂見賡歌故情

之所鍾有不嫌於太切者其詞曰

漢殿承恩早金盤薦露新色酣中省藥香重錦窠春
儘殿群芳後誰辭載酒頻清如司馬相也作插花人

題郝氏世德碑後

其嗣侯今為蜀省叅政
所謂和尚萬戶者是也

故國非喬木雄藩有世臣河山盟帶礪勲業盡麒麟
白羽沉蛟匣青雲滿後塵雅歌平日事遺愛在斯民
草昧經綸際恩威見郝侯功成韜將略德洽配汾流
金甲春農野黃雲盡角秋衰榮何百世千古仰山丘

八月十二日夜病不能寐步月達曙

官事未易了癡兒昧獨勞病多和夢異蛩若為秋號
事業青燈苦星河紫極高
帝城人海裏汎汎一漁舸

大行皇帝挽辭八首

至元三十一年歲次甲午正月廿二日
癸酉夜亥刻

帝崩于大內紫檀殿既殮殯于蕭牆之
帳殿從國禮也越三日乙亥寅刻

靈駕發引由建德門出次近郊北苑有
頃祖奠畢百官長號而退臣憚職在詞
館追思不已作挽辭八章庶幾鼎湖攀
髯之意其辭曰

藥水

龍飛日長楊羽獵時

天顏凡五見兩淚遠雙垂化日中天赫

陰靈萬國馳何由知

帝力耕鑿樂雍熙

晏駕纔經宿憊車出達門千官紛兩淚

六馭迅龍奔雲氣蒼梧遠天山禹穴昏依光瞻日月

頌德象乾坤

威破群雄膽恩藏四海心聲明三五盛垂拱九重深

國論多儒斷天機入

睿臨小臣斲方面血無路灑松林

聖神由廣運纂述到無加禹甸逾輪廣殷邦極靖嘉

尊臨三紀久遷陟九天邀白首金鑾舊長號自信嗟

端月辰臨百

淵衷弗寤興紫垣蓬慧學杞國駭天崩法從嗟何及

朝臣痛不勝

聖靈知在上春草認封陵

去歲回

鑾輅旌麾擁萬靈今春辭畫翥弓劍闕泉扃

黼袞虛瓊島雲龍慘

帝庭

是夜殿間有光燦爛
若燈燭然良久方散

詞臣思補報淚濕簡編

青

論治方堯禹求賢到釣耕民區無二上廟筭有奇兵

萬寓風煙靜中天

日月明小臣思頌德終了是強名

帝系三宗上麟經一統尊火盤承正據虎落入椎吞

窮蹙南交獸奔騰北海鯤不教擒一索遺恨付

皇孫

題冀州馬同知拜慶詩卷

時九十七官鄉里時思不轉

矍鑠征南將忠勤為國知任官無調轉享壽到期頤
錦爛行春里香生拜慶詩滿前蘭與玉又見福生基

秋日下直玉堂

下直玉堂廬閑拖過市車秋風殘暑候積兩暮涼初
撥置難行事尋看未見書萬緣前已定不樂復何如

餞安南國王弟回鄂渚

萬里朝天道歸軒寓武昌觀光吳季札助順漢闕王
寵渥心逾赤詩新桂有香庾樓回首處秋月興元長
雪夜聞鐘元貞元年冬無雪十二月廿一

日夜大雪喜而作此

雪屋燈清夕踈鐘定夜鳴撞餘週遠韻聽久喜雙清
爐火留孤坐茶鐺待一烹已眠猶未寐詩向枕邊成

王氏拜慶詩并引

集賢大學士王顥太夫人張氏元真丙
申壽八十有八視聽聰明起居康健剪
製纂組之事老猶能工正月十四日蓋
生辰也中書右丞張公以外堂拜禮義
重諸人前期誕彌啓之

太母特召見宮閣存問再四嘉其賢淑
留燕賜幣下暨二孫皆霑

寵渥明日翰林諸君相與奉觴上壽百
拜獻詩猥當卷首

九秩康寧壽親承

燕賜恩香融彤管煒春滿綉輿温世與名郎孝天全
五福尊佩環聲合度清響徹宮門

賈仲和慶八秩

君前宋魏國文元公遠裔其家世備見遺山所撰千

秋後錄

太史徵文獻陰功滿諫章諸孫宜曼衍八秩見康強

孝義聞東魯簪纓慶北堂千秋遺錄後奕葉又生光

慶閭庭直壽母詩

洗髓黃眉壽儀尊五福全雍容班姆訓瀟洒謝庭仙
致樂孫能養居官子更賢露恩行有日香重誥鸞牋

送喬元朗

疆理初無外軋坤大統齊

漢恩同一視星鳥望中低海甸沉銅鼓

天書坼紫泥

皇威能速暢歸旆拂雲霓

榕樹

南來過劍府嶺岸樹多榕繳結如蛇蚓堅凝比栢松
葉芽生挺代陰影散芳濃鶯羽群飛日凋零却是冬

五言絕句

贈高邑趙教諭

坐久槐花落黃金滿石牀一杯春露冷情話不知長

冬藏和曲山詠懷嚴韻

吾道有汚隆人情逐冷暖自憐心事佳不覺天機淺

一作克教松意無
任使天機淺

貧居固鮮歡，漏盡行當止。只有若吟心，時時爲商起。
巨鈎釣鮮鱗，其勢兩難着。何當掩長園，爲君獵鱗脚。
却掃苦未能，人事日復日。泛愛聖所稱，亦復論損益。
才踈詩倦吟，年老酒當止。君看古井波，澄湛自不起。

安坐

此心與天游，老我無繫着。坑頭有春溫，安坐收兩脚。

讀史

紛紛世利塗，翳翳桑榆日。賢哉向長心，一損勝三益。

詠梅

折來何處梅，自擬孤根暖。寒花本強顏，風味空不淺。
已亥歲門帖子

不羨陶朱富，非悲阮籍窮。愛君思道泰，憂國願年豐。

三百一十三
卷十三
七
暖呂丈扇頭

井道養不窮濟人非望報過欲投青錢取廉非正道
秋雲自激

行雲映空明
嬌姍翻輕轂
風吹不成兩日暮
空相逐
夢中得

燈殘細暈黃
月落孤牕白
惡夢不成眠
幽魂驚撇捺
出門二首

因酒敗佳意
方知百拜輕
忘機甘李喻
重賦赤霄行
踈拙傷吾性
傾危見俗情
出門山自好
秋色浪崢嶸
望淮

朝日慘無色
昏昏水氣間
到淮猶數里
隔岸見尖山
夏夜

庭竹影扶疎清風晚騷屑夜涼人未眠卧看牕間月

出門

東風吹陰霾朝來晴霽開放眼門前去青山城際來

雨後看山

西山色蒼蒼雨後如新沐天高晴意寬歸雲滿巖谷

夢中得

持酒濯利劍青蛇光黯然金鞭鞭駿馬汗血沾錦鞵

喜雨

癸丑六月旱草木變萎黃夜來聞雨落起舞亂登床

秋夜

西風入庭樹掩冉衆葉鳴幽人不能寐愛此秋雨聲

中秋制中對月

露冷庭梧墜天高月影長清光不堪掇和淚濕衣裳

披襟

涼風東北來蕩盡中夜熱起視河漢星微雲淡明滅

秋澗先生大全文集卷第十三

開元書局藏書

秋澗先生大全文集卷第十四

七言律詩

哭劉房山

紫髯山立蔚揚休書學推君到晉流文塚氣嚴驚卧
虎墨池星黯失蟠虬眼中人物嗟何及身後珠璣散
不收我擬九歌投濁浪重傷吾道轉悠悠

中秋月

夏苦蒸雲歲晏霜月華還覺此宵良天容澄徹銀河
沒桂影飛來海氣涼老魄不應秋更苦賞心多爲事
相妨一杯儘吸清光了洗我平生芥蒂腸

送王嘉父

新知雖樂道彌親樽酒燈前便故人時宜儘從閒處

着浩歌還愛醉時真紅蓮幕府名兼隱春草池塘句
有神恨煞百門山下水錦波流不到東秦

一見襟期倍所聞霧崑玄豹隱竒文清樽浩月應無
幾赤日黃塵遽爾分濁酒可因微恙止天葩寧為舞
裙芬百年湖海論文地與在天東日暮雲

和靖教授送行詩韻

出處初心度義行蒼天誰識此精誠十年載質孤懷
苦一官縻人弊履輕時事失聲驚破釜幕蓮晴泛媿
參卿夢歸夜夜栖巖桂猿鶴無勞久死心驚

秋日言懷

時先考卧病

兩後秋堂早暮涼竹風飄蕩藥塵香身間正坐詩成
癖親老何堪病在床書卷日隨秋草亂壯心愁入野

雲蒼摩挲老鏡蓬窗底也效樊川洗鬢霜

清明日錦堤行樂

浪說蘭亭禊事修年季春好錦堤遊花翻舞袖驚歌
板柳隔高城暗酒樓綠樹恐應春事老金鞭重為使
君留竹西路晚歸時醉何處珠簾半上鉤

八月十九日雨晚晴

積雨收霖景氣清物華雖老覺容平閒雲知倦爭歸
壑飛鳥趨林不計程山嫗翠鰲驚突兀天浮圓蓋失
枝撐化權舒慘吾何預要擬樊川賦晚晴

上史節使晉明壽

尚父忠勤歷五朝承家又見鳳遺毛神鋒灑落青冥
闊秋隼騫騰華岳高治化載清遵定法德容充擴浹

吾曹年年盡載清香地常對秋香醉露挑

南城納涼晚歸

書院歸休日已曛南城風細晚相親坐來近市喧初
息歸到衡門夜向分矮榻趁涼欣稚子踈燈留影伴
厨人一盃粥了從高卧須信閒身等策勲

七夕立秋

庭竹風生好雨過碧梧飛下鳳凰柯人間一夕驚秋
早天上雙星恨別多鈿合蛛絲遺暗網綺樓雲影淡
明河柳州羨煞天孫巧其柰微生賦分何

涼夜

祝融怙權不肯退一夕好風吹暑回雨氣淡從雲尾
散秋聲涼自樹頭來渴懷夢濯西江水逸興歡逢北

海盃憑語蘭臺宋公子莫因雲物詠悲哉

八月十一日夜坐

展轉秋懷鬱不平
憮然方寸若爲驚
學竦久昧天人理
親老尤深喜懼情
坐對燈花供笑語
靜聞庭樹散秋聲
大家但使康強了
未害窮愁老此生

雪晴望 壬子歲正月

滑滑春泥雪意融
出門藜杖任西東
光風漸好茅簷喜
煙火全疎傳舍空
三穴既能容狡兔
五噫誰復羨冥鴻
更爲着眼登臺處
頗覺江山王氣雄

題何練師巨川虛白菴

西風吹下鏡湖船
來作空山避世僊
採藥遠辭滄海上
結茅歸老白雲邊
鑑光應物元無物
素質能玄本

不玄莫遣碧桃溪畔水暗香浮出洞中天
鵬雲蹤跡若垂天收斂都歸一室間塵境夢空祥已
止松巢枝穩鳥知還潭心印月清無滓峇口橫雲意
自閒想得翠蘿幽隱處天風和水瀉空山

太康展江亭

籌筆規模蓋世功新亭高構繼遺風乘秋閱武邊聲
靜臨水投醪士氣醲騏騎繼聞空塞北接船行復下
江東慤慤淮水東邊月幾照元戎坐折衝

送紫陽歸柳塘

掛冠神武急趣裝歸隱秦中舊草堂海內共知元氣
在井邊已仰德星光眼明華嶽蓮峯翠路入函關草
樹黃頭爲山靈報歸日綠楊陰合鄂南莊

送蕭四祖北上

丹鳳銜書下紫庭，秋宵光動少微星。
蒲輪再起秦遺逸，天意將新漢典刑。
長策正勞黃屋夢，故山從使白雲高。
中原有幸經綸了，天外高鴻本自冥。

上闕閣學士

初來軍儲字子清蒙古人官至中書左丞

六轡聯翩走使車，繡衣風彩漢相如。
紛紛漕計歸鞭筭，戀戀丹心在帝居。
折節不知軒冕貴，濟時行奏便宜書。
從今慰却蒼生望，一點文星照玉除。

壬子夏六月陪蕭徵君飲方丈南榮同會者烏大使正卿董端卿經歷學士徒單雲甫張提點幾道王秀才子初泊家府小子

惲暘侍席末云

脩竹脩脩風滿廊夜深樽俎得餘涼
浩歌聲繞銀河水畫燭光凝燕寢香
雪蟻十分浮大白德星一夕聚高堂
停盃更待東山月要汲清光洗肺腸

送王子初東行

岱岳西南碧海東青齊中據震維雄
驚猿別鶴休增怨詭觀竒蹤得盡窮
劔暈寒輝騰寶氣馬搖金蹠健秋風
欲知別後相思夢多在西山紫桂叢

杜君美耕隱堂

厭喧恥向市朝居歸隱南城舊草廬
黃葉落時農事隙青燈明處夜窻虛
寫懷草就凌雲賦貯腹看殘種樹書
翠竹白沙村路晚月明幾駐故人車

春懷和木忽坦夫韻

茅屋春深懶閉藏，出門藜杖獨相將。
春光暖透芝蘭谷，風色妬殘桃李場。
論政舉知南國弊，賦詩休詠北風涼。
浮雲軒冕非吾事，擬訪無功覓醉鄉。

雨中與諸公會飲市樓

每恨人生會合難，興來一醉盡君歡。
兩沾翠佩簾花細，酒凸金杯飲興寬。
胡旋舞低翻翠袖，串珠喉穩怯春寒。
朝來酒醒蓬窓下，依舊春風首著盤。

秋漲後晚訪王克書舍

種柳堤邊起暮吟，黃金不博百年心。
垣墉傾圯水初退，門巷蕭條秋向深。
但遣歌詩酬野逸，儘隨鄉社共浮沉。
鄰壻酒美中秋近，明月柴門約重臨。

報子初以書見慰

擁鼻吟成嘆索居眼明驚見故人書邊城秋靜沉寒
杵畫戟門深曳翠裾契闊祗應分一水笑談曾不廢
三餘答君不忍虛來意呵筆裁詩雪滿廬

春望

黯淡春雲雨意微小樓孤影立斜暉書能引睡聊遮
眼酒可攻愁任典衣桃蕾有情含笑發鴈行無力拂
雲歸倚欄不盡登臨意獨對東風詠采薇

冬夜坐

虛堂人靜鼠窺燈霜葉瀟瀟散雨聲睡眼看書渾勉
強夜窻得月喜虛明漫漫長夜何時旦悄悄孤懷百
慮橫到底麈官男子事幾回投筆壯班生

砧帟

鵝溪蚕繭太豪華新帟蒙茸隱細紗不惜秋砧聲夜
杵要翻新法自吾家搗勻楮散光舒練拂散龍煤字
點鴉我錄詩書何所事擬尋源委泛靈楂

夜歸

月波環暈晚風淒賓館歸時獨杖藜曲巷門深驚剝
啄小樓燈影自高低歸心有限先回鴈世事無心類
木雞淡蕩春風二十八忍將書劍坐羈棲

壽周都運

劍佩龍樓顧遇頻漕臺今復試經綸平生許國丹心
壯此日承家玉樹新德量潤涵淇水遠壽杯光動紫
川春朝天好在明年日金印重看拜伯仁

秋兩有懷呂丈子謙 時奔喪夏津

賓館光陰一歲中飄蕭吟鬢感秋風
久諳世事無多味靜覺書編有細功
四壁夜蟲秋思苦一窓寒雨客牀空
對眠不見蘇州守縱有新詩愧未工

壽王參謀二首

郁郁卿雲霽士林不應正作一方霖
無媒致位寧私已有子傳家足慰心
巾卷在庭公事簡壽詩毫淨彩蟻罇
深非詩莫頌千春德喜對梅花入細吟

典郡風流漢表儀一方春物自熙熙
謝公雅量推平昔揚震高風到四知
畫戟清香凝燕寢東山春酒照芝肩
政成不獨褒金爵賢守恩波在鳳池

贈元仲一書記

名寓緇衣行碩儒蒲輪却走事爨居萬緣擺去聊乘
化一念深來為讀書黃閣經綸宜自重青山談笑未
全踈相望未入廬山社日暮碧雲思有餘

和仲一詩韻

世事紛拏八九遠未容丘壑淡志機須知霖雨思賢
佐終擬卿雲挾日飛麟閣勲名驚壯節虎溪公安覺
前非會看杖策軍門去滿眼行山空夕暉
娛志詩書不厭貧蟄龍冬卧不求伸應憐擁篲侯門
下何似行歌澗水濱沙鳥忘機還自樂池蛙睜目欲
誰嗔悠悠物理吾難料會得搯衣問上人

送百德正臣之汴梁

君璋序裏你高懷賓館相逢一笑開過眼揔非如意

事着詩時遣不羈材人驚駿骨空燕市夢逐秋風上
吹臺去去當途足知已未應空使劔鋒摧

贈王脩甫

樊川風調錦囊詩邂逅青樓豁所思得酒愛澆吟舌
健放談時露劔鋒差香翻月戶情難極風入庭梧鬢
已知過眼紛華終寂寞望君冠蓋鳳凰池

挽趙父師提舉

疋馬南來及撫棺磨礮空使憶當年師資有道無虛
飾賦業推公得正傳黃鳥此時空止棘青藜何處伴
譚玄緬懷壽德宜無憾可忍羈魂似粵阡

送盧叔賢之鄧州

萬里風雲入壯懷斗南人已識奇材重看綠水開蓮

幕宛勝黃金築隗臺鈴閣風清談麈靜星屯煙暖漢
旗開後期竚聽平安報定逐梅花驛騎來

壽王子初

彩鳳高翔欲覽輝十年書史董生惟持心不為紛華
奪尚友常先遠大期內富經綸隆事業外涵風雅養
詩脾赤霄玄圃春風細百歲相期拾紫芝

自適

旋收栢實炷爐熏紙帳低垂自有春竹几隱眠無俗
夢蒲團容膝勝華榻窻間白日驚濤迅門外黃塵萬
事新幸與聖賢相晤語未辭藜藿此生貧

登熙春閣

封丘門外故宮傍天閣空餘內苑荒瀛海夢空三島

沒帝城煙慘五雲蒼石鱷照水鱗猶動金鳳凌雲勢
欲翔竒貨梁園當日盡為誰留在閱興亡

哀故宮

掖庭依約粉垣丹行入荒宮重黯然華表忽驚人世
換昆明重見劫灰寒石龍委地埋秋草湖王臨池倚
暮煙滿目悲風吹酒醒東華門外淚闌干

送趙相君北上

漢旆當年入汴州布衣曾此識君侯夏盟自列葵丘
會驥馬空騰瀚海秋萬里風雲橫寶玦九天名姓動
金甌南遊正值朝天去望斷春風五鳳樓

登凌雲閣

布衣塵滿戴儒冠風袂來登上將壇棟藻雲飛朱拱
濕蒼牙霜重玉梯寒風煙遠勝籌邊迥氣勢雄吞汴
水乾經略江淮有成筭不須重展地圖看

送王子初之鄧州

東風霽雨泛晴光桃李爭妍出短牆春意似留行客
住陌塵都釀燕泥香三盃別酒清明後滿眼春愁錦
瑟傍一曲劔歌心事遠綠波南浦未應傷

送郝伯常歸堡塞

書劔南辭祀國天一歡傾倒酒爐邊鳳麟瑞質驚千
古江海詞源浩百川吾道莫傷今日否斯文將付後
來傳驪駒歌斷青山暮愧未長遊從馬遷

贈李幹臣

少年心事便拏雲不着清談解世紛自得士元參別
駕僵摧伯比張具軍一江夜雨供吟筆万里征鞍逐
鴈羣早晚春風笳鼓地更看詩壘策竒勳

登資聖閣

傑閣當年瑞靄亂餘金碧半塵昏豈知象教移中
士猶揭雄名護國門法界冷沉梁苑月寶香難返汝
陽媿傷心五嶺騰煙語舉世從風莫與論

跋西蒲老人燕處圖

甫脫孤城百戰危蒼茫何處跨鯨歸百年有感悲風
樹一旦無依足孝忠遺像儼然留故事寸心聊擬答
春輝遠游剝袖如瓜棗海岳相逢會有期

上史相君壽詩

麟閣勲高誓不磨
戟門春靜雀堪羅
盟高踐土尊王
切恩入河南受賜多
好學世推同杜預
薦賢人道過
常阿稱觴何限與
人頌細逐春風入
凱歌時自鄧鄩

過楚卿子冠軍宋義墓并序

乙卯春三月予東如大名道出內黃鎮有廟
在民居之南曰項王廟廟之址即卿子冠軍
宋義墓也且以往昔墟墓間恍惚事來告予
甚鄙焉獨於義之死有所感焉噫義奇士也
初武君舉兵渡淮而西城攻野戰勢若破竹
義之力居多及師次定陶再戰而再勝也見
梁志滿氣驕識其奪魄後值崩潰果不踰素
義可謂深知兵矣至羽請師抃趙執以不可

觀其籌畫號令攻取先後之方誠上將之略
惜不使差肩三傑北面以事高祖反區區委
質天以厭之楚與羽並驅爭先西向以舉虎
狼之秦何其不幸者哉雖然方秦之失鹿也
羣雄蝟起以蛇為龍者不可勝計布衣皇皇
之士能明目識帝王之真而歸之者蓋有之
矣誠未易一二數也至若淮陰韓信陽武陳
平一旦起而盡為楚用初且不知天命集漢
而後卒歸于漢功業如此幸也嗚呼俾天假
義年脫身項氏策杖以歸真主其功名當代
縱不能廁三傑之列未至與噲等伍耳嗚呼
義何不幸也哉義何不遇也哉因作詩以吊

并著予之感云

老項捐軍勢已孤
擣秦遺趙見雄圖
奇才惜不遭龍
準赤手爭教將
虎鬚日月不為
荆楚計干戈空
為漢家
駸因君重起無
依嘆羨煞中林
得止烏

元齋為仲希賦

生平襟度玉無瑕
天馬精神出渥洼
北海罇罍無暇
日德公賓主到
通家山高仰止
人皆慕齋用元
名意匪誇教子
以經平日事不
應遺實取其華

過朝歌

山勢西來擁廢宮
荒烟回首接南鄘
緬懷藝祖初經
野忍見狂童到
覆宗野水作聲
知客恨幽花含
露為誰容
千年快意商郊
戰流謗爭教有
二兇

銅臺懷古

都邑盤盤據四衝登臨形勢覺天雄
歌樓暖響春風細綺陌香銷寶氣空
笑看孱王承宋弊至今姦孽擅唐終
憑高誰識神州恨付與衡漳日夜東

佑德觀早起留別道人陳彥達

碧挑花露濕衣涼宿酒醒時夜未央
浩浩市聲喧曉枕搖搖星影入虛堂
春風醉袖愁分手秋雨吟燈約對床
後夜月明東北路呂安歸夢半嵇康

康字兩行

寄蕭茂先

飄瀟襟韻恥咿嘍醉裏青衫兩鬢秋
通介不隨衰俗受清貧當向古人求
城居真似玉川子鄉思空懷馬

少遊蚤晚臨漪亭畔月一樽重為紫髯留

晚菊

竹瘦松枯怨歲寒為誰含露散幽妍
疎花儘秀開何益晚節能昌固自賢
採擷落英悲楚客破除秋色靜斜川
不辭潦倒東籬下桃李成蹊世舉然

聞詔

灤水嵩呼萬歲觴綸章飛下紫泥香
九天空有風雲夢萬國爭依日月光
草木變衰元氣活乾坤開霽老陰蔽
兩都耆舊欣相告四十年来未省嘗

陽穀道中有懷黃石公事寄呈敬齋姚公
雪齋請益初心在東郡趨庭宿願償
黃石有書開帝業布衣無地著恩光
自慚國士思圖報敢暴孤懷不

自強巾卷在庭循誘際佩懷言行愈難忘

趙御史挽章

振藻儒林起趙宗殿前一賦已摩空筆參造化陽冰
篆氣屏權豪御史駸養老正期來祝哽招魂何意入
新宮影堂一拜情滿恹瑞露香殘翠竹風

先生比化甘露降庭竹上

上王翰林

白衣如鶴禁闈春九萬曾搏北海鷗獨翼龍顏潛代
邸親承雲錦織天孫兩朝耆德尊元老千古雄文說
赦恩寂寞黃金臺下客詠歸心久在龍門

夢受庭訓其中領景二聯蓋

先君之意云

老月驚風夜色蒼羈魂明隨几筵傍音容恍對如生

在教戒無多止義方
笑歎似傷時祭闕
松楸應念墓田荒
牽衣未畢城烏起
曉枕縱橫泪幾行

贈孟文伯

秋月堂深劍履寒
相逢一話破春顏
心君意豁驚囊穎
豹體文竒見霧孤
節共高殷侑壯片
言誰拔子卿還
笑拋燭影金釵夢
長繞天墀十二間

壽姚宣撫

咸池朝日覩離明
羽翼功高見老成
相體共推安石雅
襟期全得伯夷清
黃金眼冷燕臺望
赤羽心馳魏闕情
鄭重一杯千歲酒
調元消息在新正

周仲寅處覓貂帽

炙手權門已強顏
蒯緹未免向人彈
晨鐘聲裏霜侵

鬢蘭省臺邊雪滿鞍貂恰擬從公子覓客床應念廣
文寒何當花影烏衫側一笑春風拍盡欄

邢夫子拜慶詩軸

對君如讀開元報歷歷聲明見典刑歎曲每憐名父
子顧瞻疑是老人星一言楚獄陰功厚百世名談汗
簡青濱海歸來非我志春江乘興看浮萍

鎮州懷古

趙武雄圖不可尋風烟東接九門深炎涼到此分南
北戰伐無情自古今彈躡流風猶戰國椎埋遺俗帶
燕音劔歌不遇平原客落日滹沱動旅吟

祇謁 昭烈皇帝廟

一劔功成百戰場三年章武事堪傷力扶漢祚圖燃

燼規取劉璋出侮士若論託孤徒啓篡試評含泣到
分香秋風一掬宗臣血五丈原頭落日蒼

燕城書事二首

都會盤盤控北垂當年宮闕五雲飛崢嶸寶氣沉箕
尾慘淡陰風貯朔威審勢有人觀督亢封章無地論
王畿荒寒照破龍山月依舊中原半落暉

朔風千里捲孤蓬斗酒難澆碣石窟宵清濁滄浪知自
取蒙茸狐服竟誰從燕臺坐老黃金客甲第爭高白
玉鐘襍土便成千尺榦露恩初不負崑崙松

望西陵

漳川北岸望西陵馳道東連講武城將略有餘開戰
伐墓碑無謂自題評一棺何在彌天力九錫徒誇盜

漢名千古遺墟冷煙底定軍山樹拂雲平

牧野道中

野人川浴振裳衣况接恩波沐鳳池莫訝出門何刺
刺須知去國自遲遲河橋飲餞無千騎文物聲明又
一時有淚不揮離別際西風空送鴈行悲

奉送平章趙公赴

闕庭之召少荅省檄見招之意云

龍旆南還沸捷音漢臺凝望幾登臨洗兵未用挽天
漢入夢應知有傳霖暖日晴消青海雪春風重掃黑
山陰

君王若問來歸策為說虞皇待象心

贈鄉先生韓義和

草服黃冠玉練顏一壺天地市朝間
飄飄野鶴雖無繫戀戀鄉情尚未慳
幽睡不妨紅日晚青山誰似白雲間
何當一劍飛空去好為留題過故關

送常道人子明

道士何心作羽流
音應避物為仇冷
風身世三千界
碧落仙居十二樓
無地可留雲表舄
有懷終結竹林遊
因君喚起西遊興
滿眼太行黃落秋

送劉同知還鎮陽繼士觀韻

幾人襟韻似君侯
潘岳間居賦遠遊
白雪高歌南郢重
壽山長路太行秋
隱居正有千林玉
濯足何須萬里流
一曲驪駒頓丘北
碧雲零落使人愁

為王朝顯贈梁邦傑兼簡郝勸農

漳南客子王朝顯日暮塗窮仗友生今夏遠投回沁
水傍冬索米入共城千金諾重河東守一府蓮香白
璧卿詩藁不須詢幾東溪聲山色摠關情

和幹臣今晨所見

庚金乘火勢相高午夜秋風散鬱陶氣錯不調伊摯
鼎兩滯空續楚臣騷人占樂歲無遺慮我覺天刑未
可逃除治菊荒還寓目青山城郭幾週遭

大風

六合塵沙一混同群龍無力鄣驚風旱乾到此誰歸
咎天道從中見蔽蒙詩枕夢驚茅屋破山林春老綠
陰空雄父便擬昌黎訟九虎當閣未易通

雨後草堂即事

駭浪朋騰點額餘歸來縮首伴凡魚門從席後軒車
少鬢自蒼來酒殘踈坐掩殘書懷苦節自鋤明月種
秋蔬鄰人共指揚雄宅只有兒童未喚烏

挽季子文

一丘宿草縣城東前日花時杖履同白壁不理連邑
價青燈空負十年功鵬來近舍傷君去麟出非時見
道窮脩短偶然吾適值不須作賦問天公

初從拱把見凌雲天意栽培似厚君大厦如傾樑棟
在神交遽尔死生分白駒空谷歸何處夜雨它年不
忍聞吾道已窮來者替兩行清淚為斯文

絳帳絃歌日沸闌去煩從簡屢為言自春卧病無三
月一死埋魂入九原桂實未霜驚早落鳥聲解語惜

空喧東門最是傷心地
老父哀號血灑轅

五年六月初八日夜夢

遺山先生指授文格覺而賦之以紀其異
分明昨夜夢遺山
指授文衡履絢間道必細論能出
理文徒相剽亦何顏
江流不廢驚千古
霧管時窺得
一斑落月滿梁清
境覺紫桐花露濕
吟冠

夏日南堂即事

一雨清涼恰四朝
霧絲縈戶見蠅蛸
病因戒酒成真
止辭免書門絕妄
交道拙尚憂兒墜
簡家貧且喜稼
盈郊閒庭綠蘚泥
融遍燕子飛來補
舊巢

同翰臣讀漳濱唱和詩軸

草堂舊雨記相尋
細嚼漳濱唱和吟
白雪調高雖寡

和朱絃聲眇有遺音
犀寒蒼渚竒逾出氣奪元胎理
更深一洗向來箏笛耳坐聽三峽瀉瑤琴
高山仰止為千尋更對佳人與細吟
藝絕六鈞俱破的調高千古得知音
靜藏晚兔無窮變法北滄溟不自深
客去灑然心境寂滿軒秋氣入絲琴

謝人惠瓦甌

老兩崩崖為爾開野人携贈入芸齋
挺陶有意存三代奠獻曾經備兩階
上擁圓吭蹲野鶴中橫皤復怒池蛙
鈎深免汝居危地時插秋香慰老懷

六月初七日夜二更雷雨大作

落日山雲擁蓋幢二更雷起雨翻江
六丁怒瀉銀河水千杖齊敲羯鼓腔
耕墉握苗秋有望炎官收傘夜

深降一犁聞說西江上早晚龍移似老龐

和幹臣韻

雲漏踈星不滿天坐來風雨暗西山不憂鯨鯢翻滄海喜送涼飈入白間蜚不成災休紀異暑雖才伏暫知還兩傷旱損俱咨怨讀罷君詩壹破顏

雨后出門言懷

壯年祇死別猶薰老去收藏省一身祿不妄干時有待道從深探理彌真充腸有藜固去苦舉扇無塵可汚人洗我膏襟閒硯磊門前秋水碧粼粼

萬書叢裏自陶薰浩浩堪輿寄一身未靜蟄坯存夜氣鳥飛魚泳見天真學從踐履復安天世要經綸有若人林下幼安應未老且教雙足濯粼粼

和幹臣雨晴出郭之什

飲散公庭樂亦陶西湖乘興喜同遨
水山翠空濛上鬢毛乍脫城居驚
秋高鴻飛燕集隨時處誰羨傭耕壠上豪

秋澗先生大全文集卷第十四



開元通志
University of Toronto Library

開化圖書館

kaikua library

開化圖書館

Kaichua library



開化圖書館

Kaichua library

開化圖書館

kaikwa library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17

Inches




秋澗先生大全文集
四

開化圖書館
Kawakita Library

開化圖書

kaohua library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color